

Rommi Chostshogsla Paului Chagdis.

Rommi chostshogsla Paului chagdissi skor.

Inna chagdis tañ sñunme chostshogssi uskyoŋgun gyudte, ɲadaŋɲa i chagdispo Tsoo Yeshu mashike skutshabs Paului ɖia dzadkanbo gyus chanog.

Chossi naŋɲa khaspagunni, i chagdis tañ zhanyaŋ chagdisgunla starcod cocespoe, Paului i chagdispo Mashika ɖoŋste sontea zhaŋste stiŋne halam lo 22 ya 23 nyekhorla, khoŋ Korintheta naŋɲa yod zane, ɖia dzadkanbo hagoanog.

Paului i chagdispo zhanyaŋ chagdisgunni saŋ sosozhig yodte innog. Zhan chagdisgunni naŋɲa khoŋɲi chostshogssi naŋɲa yodkanni zusme labzha ya sdigpa gunne spaŋputde ɖaŋpoe lammika logste khyoŋcesla ɖia dzads. Innaŋ i chagdissi gozugspoeka (1:16-17) khoŋɲi dadpe skorla denbagunni dorldusshig, yaŋ chagdissi luskanni khagpoe naŋɲa teboe skorla maŋɲa zhibsal coste ɖiadzads.

I chagdissi gome liu gyadpe naŋɲa Paului zhibsal coste igunni skorla ɖia dzadte innog.

Taŋpo, kazuggi sdigcanzhigga tatpa gyudte ɖaŋpo theadzadces taŋ, khoe kane nyalwe chadpabo tusgyunni phia thenna dzadces gun stanna dzads. Yaŋ Mozessi thimsa kanyances cigpo gyudte mizhig ɖaŋpo theadzadcespoa khoŋɲi gyabgal dzads.

Nyispa, kazuggi tatpacan skyobkanzhigga mitshee naŋɲa sdigpe waŋɲi kane gyalkhaa thobces taŋ naste yodkanni dampe thugnyiddi khyud gyudte dampa mitshezhig phudces gun stanna dzads.

Sumpa, tatpacanzhigga zhagshig i sdigcan zugspobo phaŋste sdigpe tshodlte naŋɲa machakanni zugspozhig thobces, kabo tusgyun sontea lusin.

Galtes dagsa khoŋɲi Israelpagunni tatpa micospo gyudte, Yahudapa mankangun khoŋɲi gyalɖiddi naŋɲa khyoŋɲa dzadin yodna, tene stinjuggi tusla, Konchoggi dzadkanni thamedpe zhalchad Israelpagun, skyobba dzadcespo kazuggi ɖaŋɖaa ɖubcugin? Paului teboe lanbo zhibsal coste liu 9 ne 11 naŋɲa ɖiadzadte innog.

Liu 12 ne 15 naŋɲa Paului tatpacanzhiggi zhagdaŋɲi mitshee naŋɲa khoe dagsa tshagpa labkanbo laglenla kazuggi khyoŋcespo zhibsal coste labba dzads, sperna mitshe ɖaŋpozhihig phudces: tebo ni chostshogssi naŋɲa zhanma tatpacangun nyampo thundel yaŋ zhuŋɲi sponbogun nyampo samtshul taŋ cotshul zaŋpo

kazuggi borces, tatpacangunla khoṅṅi dadpe skorla skyonrjod micoces yaṅ zhan tatpacangunni phia phanthogscanni mitshezshig kazuggi phudces.

Paului chogsne ju zhus.

1:1 ne 7

1 ¹ I igebo ṅa Paulu, Mashika Yeshui tsheyog, Konchoggi ldamma dzadkan skutshabs, gamoe nastshul shaddala lamcugga dzadkanni chogsne in.

² Konchoggi i gamoe nastshulbo tus maṅpoe sṅunla khoṅraṅṅi luṅstonpagun gyudte, dampe suṅrabssi naṅṅa zhalchad dzadte inpin. ³ Gamoe nastshulbo ni khoṅraṅṅi ṣassi skorla innog. Jigstenni mitshee naṅṅa khoṅ, gyalpo Dabiddi gyudne skyea dzadte ⁴ dampe thugnyiddi shed gyudte shikangunni ṭone sontea laṅṅa dzadte khoṅ Konchoggi ṣas inkanbo stanna dzads. Khoṅ ni Yeshu Mashika, ṅadaṅṅi Tsoo in. ⁵ Mashika gyudte Konchoggi ṅazhagunla skutshabssi tshulla, karuṅsa Yahudapa mankangunla Konchoggi coa dzadkangun shadcessi waṅcha taṅ stsiwa gun salla dzads. Khoṅṅi tezug coa dzadcessi gyuntshan ni, Yahudapa mankangunni khoṅṅi kanyances taṅ tatpa coste khoṅṅi tshanla stsiwa khyoṅcespo innog.

⁶ Yaṅ khyozhagunnaṅ, Yeshu mashike khoṅraṅṅi mi ldamma dzadkanni Yahudapa mankangunni ṭoa innog. ⁷ De, Konchoggi cessa coa dzadte khoṅṅi mi dampagun gyurcesla bodda dzadkanni khyozhaa Rompa tshaṅmala diad. Konchog ṅadaṅṅunni yab taṅ Tsoo Yeshu mashike thugrje taṅ semsde khyozhagunla salla dzadshig.

Konchoggi gamoe nastshul.

1:8 ne 17

⁸ Tshaṅmesaṅ sṅunla, ṅe khyozhaa tshaṅme phia Yeshu Mashika gyudte Konchogga thugrjeche zhuin, ciazerna mashike naṅṅa yodkanni khyozhe dadpe skorla jigsten gaṅpoe migunni spera taṅdug. ⁹ De moslam zhu zane khyozhagun tusgyun idtu coad, teboe spaṅpo Konchog in, khoṅṅi ṣassi gamoe nastshulbo phelcugcesla ṅe ṅaraṅṅi snyiṅṅi thilne zhabstog zhuad.

¹⁰ De moslam tshaṅme naṅṅa, galtes Konchog thuggoṅssadna, ṅa khyozhagun nyampo thugcesla skabsshig sal zerin zhuwa phullad. ¹¹ Tsooe naṅṅa shedcan gyurcesla rogs cokanni thugnyiddi khyudrig khyozhagunla khyoṅcessi phia ṅaa

khyozhaa nyampo thugcesla dodpa şante rag. ¹² Teboe, ñe khyozhagunla, yañ khyozhe ñaa dadpe nañña spospa skyecug thubin.

¹³ Cespe spun tañ spunmo gun, ñe lan mañpo khyozhagunla thugcessi thabs cospin, innañ dagsa tshogpa gagste borkanbo khyozhagunla gyus chagos sammarag. Ñaa khyozhagunni ÷oa las coces tañ thugnyiddi ÷asbu gun stacessi dodpa rag, kazug ñe zhanyañ Yahudapa mankangunni ÷oa thoñ. ¹⁴ Griissi labzhe nañña yontan yodkan yañ medkan nyiskoa ya shesrabscan tañ samba medkan nyiskoa, gamoe nastshul shadcessi khag ñaa phogte in ¹⁵ pasañ, khyozhaa Rommi gyalse nañña yodkangunlañ gamoe nastshul shadcesla ñaa riñssarag.

¹⁶ I gamoe nastshulboa ñaa ðhella merak, ciazerna ibo ni tatpacanni mitshañma skyobthubcessi Konchoggi stobspo innog, tañpo Yahudapagunla tene Yahudapa mankangunla. ¹⁷ I gamoe nastshulboe ñadañ Konchoggi skundunla kazuggi ÷año gyurcespo stannanog, kabo gozugne jugma tshogpa tatpa gyudte ÷ubbanog. Kazug dampe suñrabssi nañña molte yodte innog, "Tatpa gyudte mi ÷añozhigga mitshe thobbanog.^a"

Sdigpeka Konchoggi thugşşo.

1:18 ne 32

¹⁸ Innañ khorañgunni ñanpe lasgunni gyabba, denbabo kabste borkanni mi, ñanpa tañ sdigcan tshañme gyabgalla, Konchoggi thugşşo namkane stanna dzadin innog. ¹⁹ Tegunla Konchoggi denbe skorla gyusyodte innog, ciazerna khoññi tegun khoñgunla salpo dzadte stanna dzadte inpin. ²⁰ Jigsten dzadpane pharla migunni, Konchoggi dzadkan tshañma gyudte, salpo coste, mathoñkanni khoññi khyudgun thoñste innog, kagun khoññi thamedpe wañ tañ Konchoggi codpagun innog. Tennaboephia khoñgunni cañ skyon cominyan.

²¹ Tegunni Konchog shesin yodteañ, khoñña ospe stsiwa matañs ya thugrjecheañ mazhus. Innañ Konchog kazugshig in, te skorla sambamedkangun tsogsla samba tañces gozugs, kaboe zhaste tegun ldadpa medkan tsogs gyurte lagmo samba tañ manyan. ²² Khoñgunni khorañgun sambacan in zernañ, tegun buñbu tsogs gyurte innog. ²³ Yañ khoñgunni zirrijidcan tañ tusgyun sonpo inkanni Konchogga macolla shicescanni mi ya, cipa ya, semscan ya, rgalciggi rigs gunni zoste nañña cokanni skunðaa collanog.

^a1:17 ibo ni zhalchad snyiñpe habakug zerkanni speche 2:4 nañña yodte innog.

²⁴ Teboephia Konchoggi te migun khorangunni sdigpe dodpa nanzhin cocesla phanña dzads. Teboe zhaste khorangunni khoran cig tan ciggi zugspo nyampo khamlog tan tshitu lasgun cos. ²⁵ Khorangunni Konchoggi denbe tshabsla zunme labzhagun kols, yan jigsten dzadkan Konchog kaboa tusgyun stodpe ospa in, amen. Khoranna macolla khorngi tshabsla khorngi dzadkangunla colces tan zhabstog zhus. ²⁶ Tennaboephia Konchoggi tegun khorangunni thelmeddi dodpagun cocesla phanña dzads. Bumogunnian ranzhinni lusdelli tshabsla khoran cig tan ciggi parla lusdelgun bors. ²⁷ Tenna tsogsla butshagunnian ranzhinni lusdelbo phanste, khoran butshagunni parla lusdelli dodpa santhe cos. Yan butshagunni zhan butshaa nyampo thelmeddi las cospa, khorngunla khorangunni zugspe nanña te lasnanboe chadpa phog.

²⁸ Khorangunni Konchog shesgoshespo ni phanmithogsshig innog sam pasan, Konchoggi tegun sambamedkangun tsogsla samba tancesla phanña dzads. Tezug coa dzadcespoe, tegunni co migoshessi lasnangun cos. ²⁹ Tegunni mitshebo nanpa tshanme ganjs, sperna sdigpa, nabs, naphrad, semssi nanña tshigkan, misad, dziimo tances, gobskorces, minnan zhanmagunla semssi nanña phogcugces tan spermen tances. ³⁰ Te migun zhanmagunni skorla spera stsogpo zerkan, Konchogga naphrad cokan, zhanla stsiwa macokan, phosocan tan ranstod tan kan innog. Tegun sdigpa cocessi lam some skorla samba tan kan tan khorangunni phame khaa manyankan, ³¹ hagonyin medkan, khachad cagkan, camspa tan snyinrje medkan gun innog. ³² Konchoggi kagya nanzhin tezug las cokangunla shigoshes ospa inkanbo gyusyodtan, tenna lasnangun coces matshad, zhanma tetsogs cokangunla stodpa tan dug.

Sdigpa cocespoeka Konchoggi thimscad.

2:1 ne 16

2 ¹ Khyozhe te sdigpa cokanni migunla skyonrjod co nyannanog sammanog, innan khyozhan tegun tsogs sdigcan innog, yan Konchoggi thimscadne tharmithub. Khyozhe zhanmagunla thimscad tan zane khyozhe khyozharanña skyonrjod coste innog, ciazerna khyozhean tenna tsogs las coste innog.

² Konchoggi danpo thimscaddi nanña, tetsogs las cokangunla chadpa salla dzadcespo nadangunla gyusinnog. ³ Zhanma tezug las cokangunla skyonrjod cokan, khyozhagunnika Konchoggi thimscad mibabs cia sammarag, nam khyozhean tenna tsogs las coad? ⁴ Konchog ni, khyozhagun nyampo tsamshig

kaṭincan, zodsemscan taṅ zodpacan inkanbo khyozhagunla thoṅṅa midugga? Khoṅṅi kaṭinni gyuntshanbo ni, khyozhaa sdigpagunni kane gyurte gyodpa cocesla ṭhidcespo, khyozhagunla hagoameragga?

⁵ Innaṅ khyozhaa skyoṅpo taṅ khyozharaṅṅi sdigpe kane gyurte gyodpa micocespo, khyozhe khyozharaṅṅika jigssnaṅcanni chadpagun sagin innog. Konchoggi thugssoe zhagpo lebin nam Konchoggi ḍaṅpoe ṭhimscadpo sṅonin. ⁶ Konchoggi "Mi rerea raṅraṅṅi las naṅzhin ṭhimscad dzadin.^b" ⁷ Konchoggi salla dzadcessi spal, stsiwa taṅ mane mishicessi zugspo, zodpa nyampo las zaṅpo coin, tsalkangunla khoṅṅi thamedpe mitshebo salla dzadin. ⁸ Innaṅ raṅṅi phia mitshe phudin, denbabo phaṅste, ṅanpe gyabne ḍulkangunla, Konchoggi thugssō taṅ chadpa gun phogin. ⁹ Ḍanpa coin dugkangunla, nags taṅ sdugsṅalli chadpa phogin, sṅunla Yahudapagunla testiṅne Yahudapa mankangunlaṅ. ¹⁰ Innaṅ zaṅpo cōkan tshaṅmala Konchoggi chogsne spal, stsiwa taṅ zhide gun thobin, sṅunla Yahudapagunla testiṅne Yahudapa mankangunlaṅ, ¹¹ ciazerna Konchoggi suaṅ chogsris coa dzadda manog.

¹² Mozessi ṭhimssi yogga medkan Yahudapa mankan sdigpa cōkan tshaṅma Konchoggi chadpa salla dzadin. Yaṅ Mozessi ṭhimssi yogga yodkan Yahudapa sdigpa cōkan tshaṅmaṅ ṭhims naṅzhin khoṅṅi ṭhimscad salla dzadin. ¹³ ṭhims tshorces cigpo manpa, tegunnika laglen cōkangun Konchoggi skundunla ḍaṅpo thea dzadin. ¹⁴ Konchoggi ṭhims medkanni Yahudapa mankangunni raṅzhinla ṭhims naṅzhin gossdommi lasgun co zane, zhan khoṅṅunla Konchoggi chogsne ṭhimspo mathobba innaṅ, tegun, khoṅṅunni phia ṭhimsshig innog. ¹⁵ Tegunni snyiṅṅi naṅṅa Konchoggi ṭhimspo Griiste yodkan stannanog, ciazerna khoranṅunni sems taṅ samtshul gunni khoṅṅunla skyonjan ya skyonmed inkanbo stannanog. ¹⁶ Yaṅ i lonbo ṅe shaddad, te zhagpo lebin, nam Konchoggi Yesu Mashika gyudte mitshaṅme, saṅwe samtshulgunla ṭhimscad dzadin.

Yahudapagun taṅ ṭhims.

2:17 ne 29

¹⁷ Khyozharaṅṅa Yahudapa zerkangunni, Konchoggi ṭhimspoeka idshes coste Konchog nyampo migsalli ḍelyod zerte phoso coanog. ¹⁸ Khoṅṅi thuggoṅsgun yaṅ ospa inkanbo, khyozhagunla gyusyod zerte phoso coanog, ciazerna khyozhagunla

^b2:6 ibo ni zhalchad snyiṅṅe suṅgurri speche 62:12 taṅ tamspe zerkanni speche 24:12 naṅṅa yodte innog.

khoŋŋi thimspo labste innog. ¹⁹ Khyozhe tantanla khyozhaa zharagunla lamstankan, mundiggi naŋŋa yodkangunla od in, sammanog. ²⁰ Khyozhe samba medkan buŋbugunla labzha taŋkan, tuŋu tsogs cokangunni phia gergan in sammanog, ciazerna khyozhagunni Mozessi thimspo gyudte khyozhagunla yontan taŋ ɗaŋpo chatshaŋ yodte in sammanog.

²¹ Tene zhanmaa labkan, khyozhagunni, khyozharaŋŋi labzhagun cia nyannamed? Zhanmagunla ŋkumaŋku zerte labdug, ci khyozharaŋgunni ŋkuada? ²² Khyozhe zerranog, migunni raŋŋi zhidmad manpa zhanma nyampo luŋdel bor magos, ci khyozhagunni zhanma nyampo luŋdel borrada? Khyozhagunni skunɗa colcesla naphrad coanog, ci khyozhe te skunɗaa borse chodkhaŋgunne ŋkuada? ²³ Thims shessad zerte maŋsteaŋ phoso cokan khyozhagunni thimspo cagces gyudte Konchogga stsiwa macoa innog. ²⁴ Dampe sunrabssi naŋŋa, "Khyozhe zhaste Yahudapa mankangunni Konchogga dadlog zhuste innog^c" molte yodkanboa ŋaa halassa merag.

²⁵ Yahudape luŋsol naŋzhin sunnad cocespoe phanthogs medte innog namtshogpa Konchoggi thimsgun khaa minyan. Innan galtes khyozhe thimspo caggadna, khyozhaa taŋ sunnad macokanni Yahudapa mankan gunni parla caŋ khyad medte innog. ²⁶ Yaŋ galtes sunnad macokan Yahudapa mankangunni thimspo kanyannadna, ci Konchoggi khoŋgun khoŋraŋŋi mi in mimolla? ²⁷ Tantanla, sunnad macokan Yahudapa mankangunni, thimsla kanyancespoe, khyozhagunla skyonrjod coste innog, kagunla thims thob, innan khaa manyans.

²⁸ Khyozhaa zugssi thogne Yahudape phamane skyeste inces ya, khyozhagunla Yahudape luŋsol naŋzhin sunnad cocespoe, khyozhagun denbe Yahudapa rig gyurra manog. ²⁹ Innan Konchog nyampo ɗaŋpo ɗel yodkanbo ni, denbe Yahudapazhig innog. Yaŋ denbe sunnad coces ni, thimsla kanyancespo manpa, raŋŋi snyiŋŋi naŋŋa gyurja khyoŋcespo innog. Yaŋ gyurja yoŋkanni mizhiggi, migunne manpa, Konchoggi stodpa tsallanog.

^c2:24 ibo ni zhalchad snyiŋpe yeshaye speche 52:5 taŋ izikelli 36:22 gunni naŋŋa yodte innog.

Konchoggi idshes.**3:1 ne 9**

3¹ Ci tene Yahudapazhig incespoe phanthogs yodte innogga, ya sunnad cocespoa ci rinzhig yodte innog? ² Ona, phanthogs maŋpo yodte innog. Taŋporaŋ Konchoggi khoŋraŋŋi kagun Yahudapagunla stadda dzads.

³ Galtes tegunni ʒone khacigga tatpa medna ci khoŋgunla tatpa medcespoe, Konchoggaŋ idshes medkan gyurranogga? ⁴ Mane gyurra manog. Tshaŋma zunjan innan, Konchog khoŋraŋŋi zhalchadgunnika ɗaŋpo zhugsanog, kazug dampe suŋrabssi naŋŋa Griiste innog,

"Nyeranŋi molkan tshaŋma ɗaŋpo inkan stanin,

Yaŋ nyeraŋŋa thimskhuŋŋi naŋŋa gyal thobin.^d"

⁵ Innan khaciggi zersidces innog, "Ɗadaŋŋi sdigpe lasgunni Konchog ɗaŋpo inkanbo maŋŋa salpo coste stannadna, tene khoŋŋi ɗadaŋgunla chadpa salcespo miospazhig manogga?" (Tegun, mizhiggi samtshul naŋzhin zerte innog) ⁶ Tantan manog. Galtes miospa inpinna, tene Konchoggi jigstenpagunla thimscad kazuggi dzadin? ⁷ Khaciggi zergyu taŋste zersidces innog, "Galtes ɗe ɗanpa cocespoe, Konchog ɗaŋpo inkanbo maŋŋa salpo thoŋte, khoŋŋa spal thobbadna, tene cia Konchoggi ɗaa sdigcan inkanboe phia shicessi thimscad dzaddanog?" ⁸ Yaŋ khaciggi, "Zaŋpo maŋŋa cuŋcessi phia ɗanpa rig coshig" zerdug zerte ɗazhe gyabgalla zun taŋŋanog. Tezug zerkangunla Konchoggi chogsne shicessi chadpa thobcespo ospa innog.

Misuzhiggaŋ ɗaŋpo manog.**3:9 ne 20**

⁹ Tene dorlduste ci ɗadaŋ Yahudapagun zhanmagunni saŋ gyalla in zer thubinna? Man, mane zer mithub. Ciazerna ɗazhe Yahudapa taŋ Yahudapa mankan tshaŋmaa, sdigpe waŋŋi yogga yodkanbo stantsharte in. ¹⁰ Kazuggi dampe suŋrabssi naŋŋa Konchoggi molla dzads,

"Suzhiggaŋ ɗaŋpo manog, cigciggaŋ.

¹¹ Suzhiggaŋ hagocessi stsonɗus macoa innog,

Suzhiggaŋ Konchog ɗaŋpo shesnyin medte innog.

^d3:4 ibo ni zhalchad snyiŋpe suŋgurri speche 51:4 naŋŋa yodte innog.

¹² Tshaŋme Konchogga gyabgyurcespoe tshaŋma rinmed gyurte innog.
Suzhiggiaŋ zaŋpo coa manog, cigciggiaŋ.^e

¹³ Khoŋgunni speragun, bete yodkanni Romkhaŋŋi
Naŋne yoŋkanni ŋiŋan tsogs innog.
Khoŋgunni lcegun zunni gaŋste yodte innog.^f

Tugrulli khalpagne tug buddanog.^g

¹⁴ Khoŋgunni khaa, ŋan tabces taŋ phogcessi spere gaŋste innog.^h

¹⁵ Khoŋgun misadcesla riŋssanog.

¹⁶ Thestor coces taŋ sdugpo taŋces gun
Khoŋgunni stiŋraŋne yoŋŋanog.

¹⁷ Khoŋgunla zhide lambo shessa manog.ⁱ

¹⁸ Konchoggi jigs khoŋgunni naŋŋa mane medte innog.^j

¹⁹ Tantanla thimspo, thims thobkanni migunni phia innog. Thims salcessi gyuntshanbo ni migunla skyon cocesne ghagces, yaŋ jigsten gaŋma Konchoggi skundunla noŋscan inkanbo stancespo innog. ²⁰ Ciazerna suzhiggaŋ thimssi ka naŋzhin coces cigpone Konchoggi skundunla ɗaŋpo gyurra manog. Thimssi ŋadaŋgun tsamshig sdigcan inkanbo salpo coste stannanog.

Tatpa gyudte ɗaŋpo gyurces.

3:21 ne 31

²¹ Innaŋ ta Konchoggi ŋadaŋgunla khoŋŋi skundunla thims gyudte manpa, ɗaŋpo gyurcessi zhanlambo stanna dzads, kazug Mozes taŋ luŋstonpagunni spechagunni naŋŋa zhalchad dzadte innog. ²² Yeshu mashike naŋŋa tatpa gyudte, ŋadaŋgun Konchoggi skundunla ɗaŋpo theadzadte innog. Yaŋ ŋadaŋ surig innaŋ caŋ khyad medpa innog.

²³ Mitshaŋme sdigpa coste innog, yaŋ Konchoggi ŋadaŋŋi phia zirrijiddi thugsdod yodkanni tshad tshogpa ŋadaŋ leb mathubba innog. ²⁴ Innaŋ Konchoggi,

^e**3:12** ibo ni zhalchad snyiŋpe suŋgurri speche 14:1 ne 3 taŋ 53:1 ne 3 taŋ lobpon zerkanni speche 7:20 naŋŋa yodte innog.

^f**3:13** ibo ni zhalchad snyiŋpe suŋgurri speche 5:9 naŋŋa yodte innog.

^g**3:13** ibo ni zhalchad snyiŋpe suŋgurri speche 140:3 naŋŋa yodte innog.

^h**3:14** ibo ni zhalchad snyiŋpe suŋgurri speche 10:7 naŋŋa yodte innog.

ⁱ**3:17** ibo zhalchad snyiŋpe yeshaye speche 59:7 taŋ 8 naŋŋa yodte innog.

^j**3:18** ibo zhalchad snyiŋpe suŋgurri speche 36:1 naŋŋa yodte innog.

ɲadaŋgunla ospa mankanni thugrje gyudte ɲaŋpo thea dzads. Khoŋɲi tebo coa dzads, nam Mashika Yeshu gyudte ɲadaŋgun ɲadaŋɲi sdigpe tsheyogne thar cugga dzads. ²⁵ Konchoggi Yeshu sdigpe phia chodpe tshulla phulla dzads. Yeshui skuşog chodpa phulte thagphoa dzadkanboeka idshes cokanni migun Konchoggi skundunla ɲaŋpo thea dzaddanog. I chodpaboe Konchog ospa dzadkanbo stannanog, nam khoŋɲi sɲunla sdigpa cokangunla chadpa masalla şante zhugs. ²⁶ Zodpa şante zhaste Konchoggi tebo coa dzads, innaŋ ta dagsa khoŋɲi ɲadaŋgunni sdigpe phia Yeshu şogchodla phulla dzads. Tezug coa dzadcespoe, Konchoggi khoŋraŋ ɲaŋpo inkan taŋ Yeshui naŋŋa tatpa cokangun ɲaŋpo coa dzadkanbo stanna dzads.

²⁷ Tene ci gyuntshanboe phia, ɲadaŋɲi phoso coin? Caŋɲi phiaŋ co minyan, ciazerna ɲadaŋ sdigpa medkan thea dzadcespo ni thimsla kanyances manpa, tatpa cocespoeka raglaste innog. ²⁸ Soŋpasan ɲadaŋgun Konchoggi skundunla thims kanyancespoe ɲaŋpo thea madzadda, tatpa cocespoe ɲaŋpo thea dzads. ²⁹ Ci, Konchog Yahudapa cigpoe Konchog zhugste innogga? Khoŋ Yahudapa mankangunniaŋ Konchog zhugste manogga? Ona, khoŋ innog. ³⁰ Konchog cig zhugste innog, yaŋ khoŋɲi migun tatpa cigpo gyudte khoŋraŋɲi skundunla ɲaŋpo thea dzaddanog, Yahudapa inɔo ya Yahudapa manɔo. ³¹ Ci tene ɲadaŋgunni tatpabo khagcan stispa, thimspo rjednaŋ ɔigte innogga? Mane manog. ɲospoa tatpa yod pasan, ɲadaŋɲi ranzhinla, thimspo ɲandaŋa ɔub cugganog.

Abrahammi dadpe spe.

4:1 ne 25

4 ¹ Konchoggi skundunla ɲaŋpo gyurcessi skorla ɲadaŋgunni phamespo, Abrahammi lobskanboa ɲati ci zergos? ² Galtes khoe las zaŋpogunni kho Konchoggi skundunla ɲaŋpo theadna, tene khoa phoso cocessi tonzhig yodɔo. Innaŋ Konchoggi thabspo tezug manog. ³ Ciazerna dampe suŋrabssi naŋŋa moldug, "Abrahammi Konchoggi zhalchad dzadkanboeka tatpa cospa, khoa Konchoggi mi ɲaŋpozhiŋ thea dzads.^k"

⁴ Las cokanni mizhigga thobkanni lachabo skyesshiŋ manpa, khoe las cokanni thobtaŋbo innog. ⁵ Innaŋ migun khoranŋgunni lassi zhaste manpa, khoŋgunla ɲaŋpo coa dzadkan Konchoggi naŋŋa tatpa cocespoe ɲaŋpo thea dzaddanog.

^k4:3 ibo zhalchad snyiŋpe naŋne gozug zerkanni speche 15:6 taŋ 22 naŋŋa yodte innog.

⁶Tenna tsogsla gyalpo Dabiddiaŋ, las macoa, Konchoggi, ɗaŋpo thea dzadkan cinlabscangunni skorla mols,

⁷"Khaa minyancesla shagspa thobkangun taŋ
Sdigpa kabba dzadkangun,
Tsamshiggi cinlabscan manog.

⁸Tsooe, sdigpagun stsia madzadkanni mibo
Tsamshiggi cinlabscan manog."¹

⁹Ta ci, i cinlabspo Yahudapa cigpoe phia innogga, ya sunnad macokanni Yahudapa mankangunni phiaŋ? Ɗazhe zerrad, khoe dadpe zhaste Abrahamma Konchoggi ɗaŋpo thea dzads. ¹⁰Innaŋ tebo nam cuŋ? Kho ɗaŋpo thea dzadcespo, khoa sunnad macoe sɗunla cuŋssa ya sunnad coste stiŋne cuŋ? Tebo khoa sunnad coste stiŋne manpa, sɗunla cuŋ. ¹¹Sunnad coe saŋ sɗunla, Abrahamma tatpa yodces yaŋ Konchoggi khoa ɗaŋpo inkan, khoŋraŋŋi zhalne molla dzadcespo, sunnad cokanni stagspo inpin. Tennaboephia Abraham ni sunnad macoa tatpa cokangunni aba tsogs innog. Yaŋ tegun khoŋraŋgunni dadpe zhaste ɗaŋpo thea dzaddanog. ¹²Abraham sunnad cokangunniaŋ aba tsogs innog, innaŋ sunnad coe saŋ sɗunla Abrahamma yodkanni tatpa tsogs khoŋgunlaŋ yonŋos.

¹³Konchoggi Abraham taŋ khoe phorgyudgunla jigsten gaŋpo salcesla zhalchad dzads. Innaŋ tebo Abrahamma thims kanyancespoe zhaste manpa, tatpa gyudte Konchog nyampo ɗaŋpo ɗel yodcespoe thobte innog. ¹⁴Galtes Konchoggi zhalchadpo thims kanyankan cigpoe phia inpinna, tene dadpe gossdom medɗo yaŋ Konchoggi zhalchadpo tonmed inɗo. ¹⁵Konchoggi thugsso, thims cagcespoe zhaste babssanog. Innaŋ galtes thims medna tebo kazuggi cagin?

¹⁶Tennaboephia zhalchadpo tatpa gyudte thobbanog. Ibo rin mataŋkanni skyesshig innog. Yaŋ thimspo kanyannadɗo ya medɗo, galtes ɗadaŋŋa Abraham tsogsla tatpa yodna, ɗadaŋ tshaŋmala te skyespo thobces tantan innog. Ciazerna Abraham ni tatpa cokan tshaŋme aba innog. ¹⁷Tennaboephia Konchoggi dampe suŋrabssi naŋŋa Abrahamma mols, "Ɗe khyoraŋŋa mirgyud maŋpoe aba coad.^m" Ibo cuŋ ciazerna Abrahammi shikangun sontea laŋŋa dzadkan yaŋ caŋ medkanni naŋne soma cuŋ cugga dzadkanni Konchoggi naŋŋa tatpa cos.

¹**4:8** ibo zhalchad snyinpe suŋgurri speche 32:1 naŋŋa yodte innog.

^m**4:17** ibo zhalchad snyinpe naŋne gozug zerkanni speche 17:5 naŋŋa yodte innog.

¹⁸ Rewa borcessi gyuntshan med zaneañ, Abrahammi rewa coin dugspasañ, kho mirgyud mañpoe aba gyur, kazug Konchoggi khoa mols, "Khyorañña phorgyud ma mañpozhiñ yonin."¹⁹ Yañ Abrahammi lo halam gya zamshig sonte khoe zugspo rgaste shices tsogs yañ, khoe nama Sara ñugu jorcessi khyudne thalñañ, Abrahammi tatpa yol mayolla stanpo lus. ²⁰ Abrahammi Konchoggi zhalchadpoeka thetshoms mane macos, matshad khoe tatpabo mañña shedcan gyurte khoe Konchogga spal khyoñs. ²¹ Konchogga zhalchad dzadkanbo ðañða ðubcugnyanna dzadcespoeka khoa tantan lokhyel yodpin. ²² Yañ Abrahammi dadpe zhaste Konchoggi khoa ðañpo thea dzads. ²³ Konchoggi khoa ðañpo thea dzadkan ðiadzadcespo, Abraham cigpoe phanthogssi phia manpa, ²⁴ ñadaññi phanthogssi phiañ inpin. Galtes Yeshu ñadañgunni Tsoo, shikangunni ñone lañña dzadskan Konchoggi nañña ñati tatpa cona, khoññi ñadañgunñañ ðañpo thea dzadcespo ni, ñadaññi phanthogspo innog. ²⁵ Konchoggi Yeshu, ñadañgunni sdigpe phia, ðoñssala stadda dzads. Yañ ñadañgun ðañpo gyurcesla khoññi Yeshu sontea lañña dzads.

Dadpe, thadpo khyoññanog.

5:1 ne 11

5 ¹ Ta ñadañgun Konchoggi skundunla dadpe zhaste ðañpo thea dzadpa, ñadaññi Tsoo Yeshu Mashika gyudte, ñadañgunla Konchog nyampo zhide yodte innog. ² Ñadañgunni dadpe zhaste mashike ñadañgunla ospa medkanni te nassaboe nañña dugcesla khyoñña dzads. Yañ ñadañgun lokhyel tañ thadpo nyampo Konchoggi zirrjidpoe nañña ðes thubin.

³ Tenañña matshad, ñadañgunni nagsbardoe naññañ stodpa phullanog, ciazerna ñadañña gyusinnog nagsbardoe zodsems skyecugces, ⁴ zodsemssi codlam zañpo ldancugces, yañ codlam zañpoe ñadañgunla tharpe rewe lokhyel taññanog.

⁵ Yañ i rewa yodcespoe ñadañgunni spospa chagga manog, ciazerna Konchoggi ñadañgunni semspo ñadañña salkanni dampe thugnyid gyudte, khoñraññi yashe skañña dzadte innog.

⁶ Konchoggi ldamma dzadkanni tuspoeka, ñadañgunni stobs tsharte ñadañgunni nañña khyudmed zane, Mashika ñadañ sdigcangunni phia ðoñssa dzads. ⁷ Mi mañcheagun miðañpozhiñgi donla shia manog, cipata cigcig yodðo kaboe ñaa

ⁿ4:18 ibo zhalchad snyiñpe nañne gozug zerkanni speche 15:5 nañña yodte innog.

mi zaŋpoe donla shinyancesrag zerşidin.⁸ Innaj ɳadaŋgun sdigcan in zane, Konchoggi Mashika ɳadaŋgunni tonla ɳoŋsa lamcugga dzadte, khoŋŋi ɳadaŋŋa cespa chenmo dzadkanbo stanna dzads.⁹ Yaŋ mashike skuthag gyudte, ɳadaŋgun Konchoggi skundunla ɳaŋpo dzad pasaŋ, khoŋŋi ɳadaŋgun tantan Konchoggi thugşşoe kane skyobcespoa lokhyel yoŋgos.¹⁰ ɳadaŋgun Konchoggi ɳao in zane, khoŋraŋŋi şas ɳoŋshespo gyudte, khoŋŋi ɳadaŋgun khoŋ nyampo thundel dzads. Tenna thundelboe, khoŋraŋŋi şassi şog gyudte, khoŋŋi ɳadaŋgun skyobba dzadcespoa lokhyel şante rag.¹¹ Ta ɳadaŋgunni Konchog nyampo ɳel somaboe naŋŋa gamo coin, ciazerna ɳadaŋŋi Tsoo Yesu mashike, ɳadaŋgun Konchoggi dzao gyur cugga dzads.

Adam taŋ Mashika.

5:12 ne 21

¹² Nam Adammi sdigpa cos, te mi cigpo gyudte jigstenni naŋŋa sdigpa gozugs. Adammi sdigpe shices khyoŋspa, shicespo mitşaŋmeka phel, ciazerna mitşaŋme sdigpa cos.¹³ Thims thobbi saŋ şjunlaŋ sdigpa jigstenni naŋŋa yodpin. Innaj tebo sdigpa thea madzads, ciazerna tetetshogpa cagcesla thimsshig mane medpin.¹⁴ Innaj Adammi tusne taŋste Mozessi tus tshogpa, migunni Adam tsogsla ka cagste sdigpa maconaj, khoŋgun shi. Adam ni skyodcescanboe, stagspo inpin.¹⁵ Innaj Adammi sdigpa taŋ Konchoggi thugrjee solraspoe naŋŋa makhyadpar chenmozhiŋ yodte innog, ciazerna Adam, i mi cigpoe sdigpe, maŋpozhiŋgika shices khyoŋs. Innaj tesaŋ tagpo ni Konchoggi halasshessi thugrje taŋ maŋpozhiŋgiga shagspoe solraspo inpin, kabo mi nyispa Yesu Mashika, gyudte sals.¹⁶ Yaŋ Konchoggi thugrjee solraspoe ɳasbu ni, te mi cigpoe sdigpe ɳasbu taŋtsogs medpa innog. Adammi sdigpe zhaste Konchoggi shicessi chadpe thimscad sals. Innaj Konchoggi rin mashalkanni solraspoe, ɳadaŋgunnika sdigpa maŋpoe skyon yodnaŋ, Konchoggi skundunla ɳaŋpo cocesla thiddanog.¹⁷ I Adam, mi cigpoe sdigpe zhaste shicessi waŋ mi maŋpozhiŋgika şuls. Innaj Yesu Mashika, mi cigpo gyudte, Konchoggi halasshessi thugrje taŋ ɳaŋpo gyurcessi solras thobkan tşaŋme naŋŋa tsamshiggi maŋŋa tagpo waŋ mişul.

¹⁸ Ona, Adammi sdigpa cigcigpoe, mitşaŋmeka shicessi chadpa phog. Innaj mashike chaglas ɳaŋpo cigciggi, Konchoggi skundunla ɳaŋpo coa dzadte

⁸5:7 galtes mi ɳaŋpoe phia suzhiggaŋ shia thadda medna tene sdigcan mizhiŋgi phia shicesla su thadin?

mitshaṅmala mitshee somazhig salla dzads. ¹⁹ Mi ciggi Konchoggi khaa minyancespoe, maṅpozhiḡ sdigcan gyurcugs. Innaṅ zhanyaṅ mi ciggi Konchoggi kanyancespoe, maṅpozhiḡ mi ḡaṅpo gyur cugga dzadin. ²⁰ Migun tsamshig sdigcan inkanbo stancesi phia Konchoggi thimspo salla dzads. Innaṅ thimspoe sdigpa ṅanpa inkanbo maṅṅa salpo coadnaṅ, Konchoggi halasshessi thugrjebo tesanaṅ maṅṅa tagga innog. ²¹ Kazug sdigpe mitshaṅmeka waṅṅulte shicespo khyoṅs, teboe tshabsla Konchoggi halasshessi thugrjee solraspoe waṅṅulla dzadte, ṅadaṅgunni Tsoo Yeshu Mashika gyudte, Konchoggi skundunla ṅadaṅgun ḡaṅpo coa dzadin. Yaṅ ṅadaṅgunla thamedpe mitshe chogsla thidda dzadin.

Sdigpe waṅbo cagga dzads.

6:1 ne 23

6 ¹ Tene ṅati ci zergos, Konchoggi thugrjee gyasshugcesla, ci ṅadaṅgunni sdigpa coin chagossa? ² Mane magos. Ḋadaṅgun sdigpe phia shite in pasaṅ, tene ṅadaṅgunni tenaṅṅa mitshe kazuggi phudin? ³ Mashika Yeshui thussi naṅṅa ḡeskangunni khoṅṅi shicesi naṅṅaṅ ḡeste inkanbo, ci khyozhagunla gyusmedda? ⁴ Thuslences gyudte, ṅadaṅgun Mashika nyampo shite subskan tsogs innog. Yaṅ kazug Konchog yabbi zirjiddi khyud gyudte, Mashika shikangunni ṅone laṅṅa dzadpa, ta ṅadaṅgunniaṅ mitshe somazhig phudthubces innog.

⁵ Galtes thuslencespoe, ṅadaṅgun Yeshu ḡoṅshespoe naṅṅa ḡesna, tene ṅadaṅgun khoṅ nyampo sontea laṅcespoe naṅṅaṅ ḡeshespo tantan innog. ⁶ Ḋadaṅgunla gyusinnog, sdigpe waṅbo ṅadaṅṅi mitshee naṅṅa milusshessi phia, ṅadaṅgunni snyiṅpa sdigcan zugspobo Mashika nyampo ṅkyaṅshiiṅṅika ṅkyaṅste inpin. Ta ṅadaṅgun sdigpe tsheyogga lusgoshes manog. ⁷ Ciazerna nam ṅadaṅgun Mashika nyampo shi, ṅadaṅgunla sdigpe waṅṅe tharpa thobte innog. ⁸ Yaṅ ṅadaṅgun Mashika nyampo shi pasaṅ, khoṅ nyampo mitshe phudcespoaṅ ṅadaṅgunla gyusinnog. ⁹ Tegun tantan inkanbo ṅadaṅgunla gyusinnog, ciazerna Mashika shikangunni ṅone sontea laṅṅa dzads, khoṅ yaṅskyar mane mishi, ta shicesla khoṅṅika waṅ medpa innog. ¹⁰ Nam Mashika ḡoṅs, sdigpe waṅbo cagcesla khoṅ lanphog cig ḡoṅs. Innaṅ ta khoṅ sonpo zhugste, yaṅ khoṅṅi Konchoggi spalli phia mitshe phudda dzaddanog. ¹¹ Tenna tsogsla khyozhagunnaṅ sdigpe waṅṅi phia shite yaṅ Mashika Yeshu gyudte, Konchoggi spalli phia mitshe phudin inkanbo samgos.

¹² Tene ñanpe dodpagunni khaa minyancesi phia khyozhagunni shicescanni zugspeka sdigpa wañsul macugshig. ¹³ Khyozhagunni zugspoe khagciggañ, sdigpe yogpo coin ñanpe lagcha rigga gyur macugga, khyozharanġun cisathogne Konchogga phulshig. Ciazerna khyozhagun shite inpin, innañ ta khyozhagunla mitshe somazhig yodte innog. Teboephia khyozhagunni zugspobo Konchogga spal thobcesla ospe lasgun cocessi lagcha tsogsla kolshig. ¹⁴ Ta sdigpabo khyozhagunni sponbo manog, ciazerna khyozhagunni thimssi ñayogga mitshe maphudda, Konchoggi thugrjee ranwanñi ñayogga mitshe phuddanog.

¹⁵ Tene ci, ñadanġun thimssi ñayogga manpa, thugrje ñayogga incespoe sdigpa cogossa? Mane magos. ¹⁶ Khyozhe khaa nyancesla ldamskanboe, khyozhaa yogpo gyurcespo, hagoa meragga? Galtes sdigpe yogpo gyurcugna, teboe khyozhagun nyalwe nanña thidin, innañ Konchoggi kanyanna, teboe khyozhagun mitshe ñanpozhiġgi nanña thidin. ¹⁷ Khyozhaa sdigpe tsheyog inpin, innañ ta khyozhagunni ñazhe labzha tanġangunnika sems ganpone kanyancespoeka ñe Konchogga thugrjeche zhuad. ¹⁸ Ta khyozhagun sdigpe kane tharte ñanpo mitshezhig phudcessi tsheyog gyurte innog.

¹⁹ Semsshugs medkanni mi incespoe, khyozhagunla i tshanma hagocugcesla ñe tsheyoggi spebo kollad. Sñunla khyozhe, khyozharanġun mañne mañña ñanpa tan tshitu las nyiskoe tsheyog gyurcugs. Ta dampa gyurcessi phia khyozhe ranġanrañ mitshe ñanpozhiġgi tsheyog gyurcuggos. ²⁰ Khyozhagun sdigpe tsheyog in zane, khyozhagunla mitshe ñanpozhiġ phudcessi tsherkhaa mane medpin. ²¹ Yañ teboe ñasbu kazugshig yoñs? Ta khyozhagun tezug cokangunnika tsamshiggi thelba tshorranog, kaboe ñasbu thamedpe shicespo innog. ²² Innañ khyozhagun sdigpe wanñi yogne tharte, Konchoggi tsheyog gyurte innog. Ta khyozhagunni dampa chogsla thidkanni lasgun coin innog, kaboe ñasbu ni thamedpe mitshebo in. ²³ Sdigpe lachabo ni shicespo innog. Innañ ñadanġunni Tsoo Mashika Yesu gyudte Konchoggi chonla salla dzadkanni solraspo ni, thamedpe mitshebo in.

Zhidmaddi ñelli spe.

7:1 ne 6

7 ¹ Ta thims sheskan ñe spun tan spunmo, khyozhagunla ci gyusmedda? Thimssi wañbo mizhiggiika kho sontea yodyodtshogpa, ñullanog. ² Sperna, thims nanzhin nama cokanni bumoboe khoranñi magpa sontea yodyodtshogpa kho nyampo idshescanni ñel borgos. Innañ galtes khoe magpa shina, kho magpa

nyampo idshescan dugcessi thimspo şuñcesne budte innog. ³ Galtes magpabo sontea yod zane, te bumoboe zhanzhigga nama cona, khoe zhidmad manpa zhanmizhig nyampo lusdel cokanni sdigpa coste innog. Innan galtes khoe magpabo shite stiñe, yan nama cona, kho thims nanzhin logyemmi sdigpa cocesne magalla innog.

⁴ Tennaboephia ñe cespe spungun, khyozhagun Mashika nyampo shi zane, khyozhagun thimssi wanji kanean shite innog. Ta khyozhagun shikangunni tone sontea zhanşkanbo nyampo cigdil sonje innog. Teboe zhaste ñadañgunni Konchoggi phia las zanpoe dasbu smincagthubin. ⁵ Ñadañgun şunme codpe wanji nanña yod zane, ñadañgunni nanña sdigpe dodpagunni las coadpin. Yan thimssi, te dodpa ñanpagun lançugste sdigpe lassi stonthog smin cugganog, kaboe dasbu shicespo innog. ⁶ Innan ta ñadañgun thimssi kane budte innog, ciazerna ñadañgun ldamste borkanni thimspoe phia shite innog. Ta Griiskanni thimspoe zhabstog macoa, dampe thugnyiddi nanña mitshe somazhig phudin, ñadañgunni Konchogga zhabstog zhuin.

Konchoggi thimspoe, ñadañji sdigpa stanna dzads.

7:7 ne 13

⁷ Ci tene, ñe Konchoggi thimspo ñanpa innog zerte innogga? Mane man. Ñospoa ñaa, ñarañji sdigpagun stankanbo tenna thimspo inpin. Galtes thimspoe "Zhanme inkanboa dodpa maco^p" mazerpinna, zhanme inkanla dodpa cocespo sdigpa inkan ñaa gyus machaa yoddo. ⁸ Innan sdigpe, te kabo kolte ñe nanña zhanme inkanboa dodpa cocessi rigs tshanma skyecugs. Galtes thims medpinna, sdigpaa, te wanbo meddo. ⁹ Tusshigga ñe thimssi hagomedpa mitshe phuddadpin, innan ñaa Konchoggi kabo hagoanan, ñe mitshee nanña sdigpe las coces gozugs, yan ña shi. ¹⁰ Tene ñe thon, tenna thimssi kaboe, ñaa mitshe khyoñcessi tshabsla, ñe phia shicessi thimscadpo khyoñs. ¹¹ Sdigpe te kaboe phanthogs lente ñaa gobskors, yan tenna kabo kolte ñeka shicessi thimscadpo khyoñs. ¹² Innan thimspo dagsan dampa innog, yan teboe kagun dampa, ñanpo tan zanpo innog.

¹³ Tene ci, zanpo inkanni thimspoe, ñaa shicespo khyoñssa? Mane makhyoñs. Sdigpe, zanpo inkanboe phanthogs lente ñeka shicessi thimscadpo khyoñs. Ona Konchoggi ka gyudte ñadañña sdigpa manştean ñanpa inkanbo hagoanog.

P7:7 ibo ni zhalchad snyinpe Mozessi specha nyispoe 20:17 tan thimssi specha nyispa, Mozessi specha şñape 5:21 nanña yodte innog.

Sdigpe gyabgalla nolces.**7:14 ne 25**

¹⁴ Ɗadaŋgunla gyusinnog, Konchoggi thimspoe mitshe ɗaŋpo phudcesla thiddanog, innaj ɗa ɗaraŋɗi sdigcan dodpagunni thiddug. Tebo ni ɗa sdigpe tsheyogga tsoŋskan tsogs innog. ¹⁵ Ɗe coin yodkanbo ɗa hagoa merak, ciazerna ɗaa ɗaŋpo conyin yodnaŋ ɗe coa midug, matshad ɗe tebo corug kaboa ɗe naphrad coad. ¹⁶ Yaŋ galtes ɗe mico samkanni laspo cona, tene thims zaŋpo inkanboa ɗe semssi chogsskyor coste innog. ¹⁷ Tene ɗanpa cokanbo ɗaa manpa ɗe naŋɗa naste yodkanni sdigpabo innog. ¹⁸ Yaŋ ɗaa gyusyod, ɗe naŋɗa zaŋpo ciggaŋ nassa med, tebo ɗe sdigcan codpabo in. Ɗaa ɗaŋpo conyin yodnaŋ ɗaa conyanna midug. ¹⁹ Ɗe zaŋpo conyin yodnaŋ coa midug. Ɗe ɗanpa conyin mednaŋ tebo codug. ²⁰ Ta galtes ɗe conyin medkanbo cona, tene tantanla ɗanpa cokanbo ɗa manpa, ɗe naŋɗa naste yodkanni sdigpabo innog.

²¹ Ta ɗadaŋɗi naŋɗa waŋzhiggi las cokanbo ɗaa hago, ɗe ɗaŋpo conyin yod zane, ɗanpa ɗaa nyampo dugste yoŋdug. ²² Ɗe sems gaŋpone Konchoggi thimsla camspa coad. ²³ Innaj ɗe naŋɗa, te waŋboe ɗe thims kanyancessi dodpe gyabgalla nollarag. Te waŋboe, ɗaa, ɗe naŋɗa yodkanni sdigpe tsheyog gyurcugdug. ²⁴ Ɗa tsamshiggi sdugpo mizhig manog! Sui ɗaa shices khyoŋkanni i zugspe naŋɗe tharcugin? ²⁵ Konchogga thugrjeche! Ɗa tharcugkanbo ni ɗadaŋɗi Tsoo Yeshu Mashika innog. Soŋpasaj thoŋdugga, ibo kazuggi innog? Ɗaraŋɗi semssi naŋɗa ɗe denba Konchoggi thimspo kanyannyinrag, innaj ɗe sdigpe codpe zhaste ɗa sdigpe yogpo in.

Dampe thugnyiddi naŋɗa mitshe phudces.**8:1 ne 17**

8 ¹ Teboephia ta Mashika Yeshui inkangunla shicessi thimscad medpa innog. ² Ciazerna Mashika Yeshu gyudte, mitshe salkanni thugnyiddi khyudpoe khyozhaa, shices chogsla thidkanni sdigpe waŋɗe thar cugga dzads. ³ Ɗadaŋgunni sdigpe codpe, Mozessi thimspo shugsmed cos pasaj, ta te thimspoa ɗadaŋgun skyobcessi shugsmedpa innog. Teboephia thimsla co manyankanbo Konchoggi dzads. Ɗadaŋ sdigcangunla yodkanni zugspo tsogssi naŋɗa khoŋɗi khoŋraŋɗi ɗaspo lamcugga dzads. Yaŋ tenna zugspoe naŋɗa Konchoggi khoŋraŋɗi ɗaspo ɗadaŋɗi sdigpe phia ɗogchodla phulla dzadste ɗadaŋgunnika sdigpe waŋbo medkan coa

dzadkanbo stanna dzads. ⁴ Khoŋŋi tebo coa dzadcessi gyuntshan ni, thimssi ospe gossdomgun, sdigpe codpe naŋŋa mitshe maphudda, thugnyiddi naŋŋa mitshe phudkan ŋadaŋgunni naŋŋa, ɗaɗɗaa ɗubcespo innog.

⁵ Sdigpe codpe waŋŋi yogga luskangunni, tusgyun sdigpe las coin sammanog. Innaj dampe thugnyiddi waŋŋi yogga yodkangunni, tusgyun thugnyid thugnyesshissi las coin sammanog. ⁶ Sdigcan migunni sambaboe, shices chogsla thiddanog. Innaj thugnyiddi waŋŋi yogga yodkanni sambaboe, mitshe taŋ zhide chogsla thiddanog. ⁷ Sdigpe codpe tusgyun Konchoggi gyabgal coanog, ciazerna teboe Konchoggi thimsla khaa manyans, yaŋ khaa mane minyan. ⁸ Tennaboephia sdigpe codpe waŋŋi yogga dugkangunni, Konchog thugnyescug mane nyanna manog.

⁹ Galtes Konchoggi thugnyid khyozhe naŋŋa zhugssadna, khyozhagun sdigpe codpe waŋŋi yogga medpa, thugnyiddi waŋŋi yogga yodte innog. Yaŋ suzhiggi naŋŋa mashike thugnyid med, te mibo mashike manog. ¹⁰ Mashika khyozhagunni naŋŋa zhugsanog, sdigpe zhaste khyozhaa zugssi thogne shianog innaj, thugnyiddi khyozhaa mitshe sallanog, ciazerna khyozhagun Konchoggi skundunla ɗaŋpo coa dzads. ¹¹ Yesu shikangunni ɗone sontea zhaŋshugga dzadkanni Konchoggi thugnyid khyozhagunni naŋŋa nassanog. Yaŋ kazug Konchoggi Mashika Yesu shikangunni ɗone sontea zhaŋshugga dzads, khyozhe naŋŋa yodkanni tenna thugnyidbo gyudte, khoŋŋi, khyozhe shicescanni zugspoaŋ ɗog salla dzadin.

¹² Teboephia ŋe cespe spungun, khyozhagunla sdigpe codpe cos zerkanboa kanyangos medpa innog. ¹³ Galtes khyozhagunni teboe zerkan naŋzhin mitshe phudna, khyozhagun shiin. Innaj galtes dampe thugnyiddi khyud gyudte khyozhe sdigpe codpe lasgun shicugna, khyozhagunni denbe mitshe^q phuddanog.

¹⁴ Ciazerna Konchoggi thugnyiddi thidkangun Konchoggi ɗugu innog.

¹⁵ Khyozhagunla jigsshessi tsheyog gyurcugkanni thugnyidbo thobste manog. Innaj Konchoggi, ɗugui tshulla sosbua lenna dzadkanni thugnyidpo thobste innog. Ta ŋadaŋgunni khoŋŋa "Aba! Yable!" Bodin. ¹⁶ Konchoggi thugnyiddi, ŋati thugnyid nyampo ŋadaŋ Konchoggi ɗugu inkanboe spaŋpo sallanog. ¹⁷ Yaŋ ŋadaŋgun khoŋŋi ɗugu in pasaŋ, khoŋŋi norskal lenkan matshad, Mashika nyampo Konchoggi zirrijid, lenkanboaŋ innog. Innaj galtes ŋadaŋgun khoŋŋi zirrijidpoe naŋŋa ɗessadna, tene ŋadaŋgun khoŋŋi sdugsŋalli naŋŋaŋ ɗesgos.

^q**8:13** denbe mitshe ton ni, Konchog nyampo ɗelyodkan taŋ thamedpe mitshe gun innog.

Yoŋcescanni zirrijid.**8:18 ne 30**

¹⁸ Dagsa ɲadaŋgunla cuŋkanni sdugsɲalbo, stiŋzhin khoŋɲi ɲadaŋgunla salcescanni zirrijid nyampo ldurna, tene te sdugsɲalbo caŋ medpa innog.

¹⁹ Konchoggi dzadkan tshaŋma^r, khoŋɲi denbe ɖugugun sɲon cugga dzadcessi te zhagpoa, riŋsinzhig ɕuŋste innog. ²⁰ Migunni phia inkan Konchoggi ɲanbo, khoŋɲi zhanyaŋ dzadkan tshaŋmekan phog, kabo tegunni dodpa manpa tegun dzadkan Konchoggi thuggoŋs inpin. Innaŋ rewa ɕante nyampo ²¹ te dzadkan tshaŋme yoŋcescanni zhagpoa ɕuŋs, nam tegun Konchoggi ɖugugun nyampo, shices taŋ rulces medkanni, zirrijidcanni tharpe naŋŋa dzomin. ²² ɲadaŋŋa gyusinnog, dzadkan tshaŋmaa dagsa tshogpaŋ, ɖugu skye zane skyezer yoŋŋa tsogsla bardo cuŋin innog. ²³ Yaŋ dampe thugnyid kabo yoŋcescanni cinlabs gaŋpoe khagshig in, tebo thobkan ɲadaŋgunniaŋ bardo khurin te zhagpoa riŋsin ɕuŋŋanog. Yaŋ Konchoggi sosbua lenna dzadkanni ɖugugun tsogsla, khoŋɲi ɲadaŋŋa thobtaŋ gaŋpo salces, matshad zugspo somazhiggi zhalchad dzadkanni zhagpoe phia rewa ɕante nyampo ɕuŋŋanog. ²⁴ ɲadaŋgun skyobba dzad zane, ɲadaŋgunla te rewabo salla dzads. (Galtes rewa borkanbo ɲati lagga yodpinna, tene ɲadaŋgunla teboephia rewa cogos medpa innog. ²⁵ Innaŋ galtes ɲadaŋgunni dagsa ɲati lagga medkanboe rewa coadna, ɲadaŋgunni teboa zodpa taŋ lokhyel nyampo ɕuŋgos).

²⁶ Yaŋ ɲadaŋgunni uthugssi naŋŋa, dampe thugnyiddi ɲadaŋgunla rogs coa dzaddanog. Sperna, Konchoggi thuggoŋs naŋzhin ɲadaŋɲi moslam kazugshig yoŋgoshespo ɲadaŋgunla gyus medpa innog. Innaŋ dampe thugnyiddi, ɲadaŋgunni phia snyiŋshugs nyampo moslam phullanog, kabo ɲadaŋŋa tshigs kolte shad manyanna innog. ²⁷ Yaŋ snyiŋ tshaŋma khyenna dzadkanni yabbi, thugnyiddi molkanboan khyenna dzaddanog. Ciazhuna thugnyiddi, Konchogga ɲadaŋ tatpacangunni phia khoŋɲi thuggoŋs naŋzhinla zhuwa phulla dzaddanog.

²⁸ Konchogga cespa cokan taŋ khoŋɲi gyuntshan ɖubcesla bodda dzadkan ɲadaŋgunni phanthogssi phia, khoŋɲi ɲadaŋgunni mitshee naŋŋa cuŋkan tshaŋma kolla dzadcespo, ɲadaŋgunla gyusinnog. ²⁹ Konchoggi khoŋraŋɲi migun gozugne pharla khyenna dzaddadpin. Yaŋ khoŋɲi ɕaspo spun taŋ spunmo maŋpoe ɖone tshaŋmesaŋ ɖagshogpo gyur cugga dzadcessi phia, khoŋɲi tegun khoŋraŋɲi ɕas

^r8:19 yaŋna dzambuliŋ, jigsten taŋ, tenaŋŋa yodkan tshaŋma kagun Konchoggi dzads

tsogs gyurcesla ldamma dzads. ³⁰ Yaŋ ldamma dzadkangun, khoŋraŋ yodsa boddaŋ dzads. Yaŋ bodda dzadkangun, khoŋraŋŋi skundunla ɗaŋpoaŋ coa dzads. Yaŋ ɗaŋpo coa dzadkangun nyampo khoŋraŋŋi zirrijidboaŋ goadzads.

Konchoggi cespa.

8:31 ne 39

³¹ Te halasshessi cinlabsgunni skorla ta ɗadaŋgunni ci zergos? Galtes Konchog ɗadaŋgunni chogsla inna, tene ɗadaŋgunni gyabgalla sua gyal thobin. ³² Konchoggi khoŋŋi ɗaspoaŋ maphudda, ɗadaŋ tshaŋme tonla salla dzads. Tene ci khoŋŋi ɗadaŋgunla yaŋ gossdom tshaŋma salla midzadda? ³³ Konchoggi ldamma dzadkan ɗadaŋgunni gyabgalla skyon sua kalnyanin? Konchoggi ɗadaŋgun khoŋraŋŋi skundunla ɗaŋpo coa dzads. ³⁴ Tene sui ɗadaŋgun shicesla ospaa inkanboe ɗhimscad taŋin? Suzhiggiaŋ mitaŋ, ciazhuna Mashika Yesu ɗadaŋgunni tonla ɗoŋste, sotea zhaŋssa dzads. Yaŋ khoŋŋi Konchoggi chag yaspe stsiwacanni zhugsthissika zhugste ɗadaŋgunni phia moslam phullanog. ³⁵ Tene sui ɗadaŋgun mashike cespane phenyanin? Nags, kagspo, sdugsŋal, muge, ljernyal, jigspa ya, rai kane shices. ³⁶ Dampe suŋrabssi naŋŋa gyalpo Dabiddi molte innog,
"Nyeraŋŋi phia ɗazhagun zhagdaŋ saddug.

ɗazhagun lug tsogsla skye cadte saddug.^{5"}

³⁷ Minyan, ɗadaŋgun mashike cespane mane pheminyan. ɗadaŋŋa cespa dzadkan Mashika gyudte, te tshaŋme naŋŋa ɗadaŋgun gyalkhaa thobkanni saŋ taggazhig innog. ³⁸ ɗa tantan lokhyel rag, i waŋgunni ɗadaŋ Konchoggi cespane pheminyan: sperna, shices ya mitshee, phonyagun ya rdudgunni, itus ya yoŋcescanni tussi, ya nyalwe, ³⁹ nammi naŋŋa yodkan ya se yogga, tantanla Konchoggi dzadkan tshaŋme naŋne ciggiaŋ ɗadaŋgun Konchoggi cespane pheminyan, kabo ɗadaŋgunni Tsoo Mashika Yesu gyudte sŋon cugga dzadte innog.

Ldamma dzadkan Israelpagun.

9:1 ne 29

9 ¹ ɗe zerkanbo ɗaŋpo yaŋ zun taŋste mankanboe spaŋpo Mashika in. ɗe sems taŋ dampe thugnyiddi tebo tantan coanog. ^{2–3} Yahudape spun taŋ spunmo, ɗaraŋŋi migunni phia ɗe snyiŋbo sdugsŋal chenmo taŋ thamedpe

⁵8:36 ibo zhalchad snyiŋpe suŋgurri speche 44:22 naŋŋa yodte innog.

tsherkhe ganste rag. Galtes Mashika nyampo ne del chadte na tusgyunni phia nan phogcespoe, khongun skyobthubbadna, na tegun lencesla thaddarag. ⁴ Khongun Israelpa, Konchoggi sosbua ldamma dzadkanni tugugun innog. Konchoggi zirridpo khongunla sjon cugga dzads, yan khongun nyampo chaddon coa dzadte tegunla khonranji thims salla dzads. Konchoggi khongunla khonji halasshessi zhalchadgun thobces tan khonja colcessi stsiwa salla dzads. ⁵ Abraham, Isak tan, Yakob gun, khongunni phamespo innog. Mashika mii tshulla ltams zane, khon Israelpazhig zhugste inpin. Yan khon ni Konchog zhugste innog. Khon ni citshanmeka wanjul dzadkan tan tusgyun stodpa thobcessi ospa innog, amen.

⁶ Tene ci? Konchoggi Israelpagunla dzadkanni zhalchadpo danda maḍubba innogga? Mane manog. Israelli yulla skyeskangunni nannean tshanma, Konchoggi migunni nanja thea madzads. ⁷ Abrahammi phorgyud inkangunni nannean tshanma, Abrahammi denbe tugu manog, ciazhuna dampe sunrabssi nanja molte innog, "Isak ni tenna butshabo in, kabo gyudte khyoranji phorgyudgun cunin."^t ⁸ Teboe ton ni, zugssi thogne Abrahammi phorgyudgun Konchoggi tugu mathea, zhalchad dzadkanni phorgyudgun, Abrahammi tugu thea dzadin. ⁹ Ciazerna Konchoggi zhalchad dzads, "Stinma lo, halam innadusshigga na logste yon zane Sara, butshazhig skyeste yonin."^u

¹⁰ I butshabo nadangunni phamespo Isak inpin. Khoe Rabeka nama cos yan Rabeka butsha tshagtug jor. ¹¹ Innan khongun skye san sjonla, yan khongunni zanpo ya nanpa coe san sjonla, Rabeka Konchoggi chogsne lonzhig thob. (I lonboe ton ni, Konchoggi migun khonranji gyuntshanzhiggi phia ldamma dzads, ¹² khonji migun bodda dzads, innan tegunni las zanpo ya nanpa gunnika raglaste manog). Khonji Rabeka mols, "Khyoranji butsha cheaboe chunjaboa zhabstog zhuin."^v ¹³ Tezug dubcesla sunrabssi nanja molte innog,

"De Yakobba cessa coad

Innan Isau gyab gyurad."^w

¹⁴ Tene nadangunni, Konchog miospa dzadkanzhig zhugste innog zerinna? Mane manog. ¹⁵ Konchoggi Mozesla molla dzads,

^t9:7 ibo zhalchad snyinpe nanne gozug zerkanni speche 21:12 nanja yodte innog.

^u9:9 ibo zhalchad snyinpe nanne gozug zerkanni speche 18:10, 14 nanja yodte innog.

^v9:12 ibo zhalchad snyinpe nanne gozug zerkanni speche 25:23 nanja yodte innog.

^w9:13 ibone zhalchad snyinpe malaki speche 1:2 tan 3 nanja yodte innog.

"De ldamkangunnika snyiŋrje stanin,

Yaŋ ŋe ldamkangunnika camspa stanin.^x"

¹⁶ Tennaboephia tebo mi dodpa ya stsonḍussika manpa, Konchoggi snyiŋrjeka raglaste innog.

¹⁷ Konchoggi Ijibbi gyalpo Pheroa molkanbo suŋrabssi naŋŋa ḍiadzadte innog, "Khyoraŋŋi naŋŋa ŋe shedpo stances taŋ ŋe miŋbo jigsten gaŋpoe naŋŋa phelcugcessi phia ŋe khyoraŋ ldamste in.^y" ¹⁸ Tennaboephia Konchoggi snyiŋrje stancesi thugsdod yodkangunnika snyiŋrje stanna dzadin, yaŋ khoŋŋi snyiŋ skyoŋpo coa dzadcessi thugsdod yodkangunni snyiŋgun skyoŋpo dzadin.

¹⁹ Khyozhagunni zersidces innog, "Sems gyurte gyodpa macokangunla cia Konchoggi skyon kalla dzaddanog? Konchoggi khoŋgunla co cugga dzadkanbo khoŋgunni coste manogga?" ²⁰ Innaŋ Konchoggi gyabgalla spera zerkan khyoraŋ mi su in? Cokanboe coa dzadkanboa zergossa, "Cia nyeraŋŋi ŋa itsogs coa dzadte in?"^z ²¹ Dzama cokanzhiggi tenna kalagpoe kane dzama cig, stsiwacanni lasla kolces, yaŋ cig zhagdaŋŋi lasla kolcessi phia, cocessi thobtaŋ khoa medpa innogga? ²² Tenna tsogsla, zhan Konchogga khoŋraŋŋi thugsso taŋ shedpo stancesi thobtaŋ yodnaŋ, khoŋŋi thugsso babsshes taŋ thestor chaces chogsla chakangunnika maŋaŋte zodpa ghomma dzaddanog. ²³ Khoŋŋi snyiŋrje stanna dzadkangunnika khoŋŋi thugrje tsamshiggi gyaspa inkanbo stancesla khoŋŋi tebo coa dzads. Yaŋ khoŋŋi tegun sŋunne pharla namkhe naŋŋa zirrijdcanni nasse phia ḍaldig coa dzadte inpin. ²⁴ Khoŋŋi ldamma dzadkangunni naŋŋa ḡadaŋgunnaŋ innog, Yahudapagun cigpoe phia manpa Yahudapa mankangunni phiaŋ innog.

²⁵ Kazug Yahudapa mankangunni skorla luŋstonpa Hoshayi speche naŋŋa Konchoggi molla dzads,

"De mankanni migunla ŋe ḡaraŋŋi mi zerin.

Yaŋ ŋe cespa macokangunla ŋe cespa coin.^a"

²⁶ Yaŋ " 'Khyoraŋgun ŋe migun man' molkanni tenna nassaboeka

Khoŋgunla, 'Sonpo Konchoggi ṡugugun' molin.^b"

^x9:15 ibo ni zhalchad snyiŋpe naŋŋa Mozessi specha nyispe 33:19 naŋŋa yodte innog.

^y9:17 ibo ni zhalchad snyiŋpe naŋŋa Mozessi specha nyispe 9:16 naŋŋa yodte innog.

^z9:20 ibo ni zhalchad snyiŋpe yeshaye speche 29:16 taŋ 45:9 naŋŋa yodte innog.

^a9:25 ibo ni zhalchad snyiŋpe Hoshayi speche 2:23 naŋŋa yodte innog.

^b9:26 ibo ni zhalchad snyiŋpe Hoshayi speche 1:10 naŋŋa yodte innog.

²⁷ Yaŋ Israelpagunni skorla luŋstonpa yeshaye kuco taŋin zers,
 "Zhan Israelli migun tshoe thama yodkanni
 Pema tsogs maŋpo yodteañ, khacig mane miskyob.

²⁸ Ciazerna Tsooe, khoŋraŋŋi chadpabo i jigstennika
 Gyogspa taŋ gaŋpo khyoŋŋa dzadin.^c"

²⁹ Dampe suŋrabssi zhanyaŋ nassazhiggi naŋŋa yeshaye inna sperabo ðia dzadte innog,

"Galtes namkhe magmigunni Tsooe,
 Ðati ʔugu nyuŋunzhig phudda madzadpinna,
 Tene ŋadaŋgun Sodempa tsogsla medkan
 Yaŋ Gamorapa tsogsla thestor coa dzadte yodðo."^d

Tatpa medkanni Israelpagun.

9:30 ne 10:4

³⁰ Te tshaŋme tonbo tene ci innog? Zhan Yahudapa mankangunni, Konchoggi skundunla ðaŋpo gyurcessi stsonðus maconañ, khoŋgunni tatpa cocespoe, Konchoggi skundunla ðaŋpo gyur. ³¹ Innaŋ Israelpagunni thimsgun kanyante Konchoggi skundunla ðaŋpo gyurcessi maŋaŋte stsonðus conañ, thaŋspo mane malus. ³² Cia thaŋspo malus? Ciazerna khoŋgunni tatpa manpa, thims kanyante las cocespo gyudte, Konchoggi skundunla ðaŋpo gyurcessi stsonðus cos. Khoŋgun khoŋraŋgunni lammika yodkanni rdoa chenmoeka ghag gyabste innog. ³³ Konchoggi Yahudapagunla teboe skorla spaŋpudda dzads, nam khoŋŋi dampe suŋrabssi naŋŋa mols,

"Ðe Yerushalemmi naŋŋa migunla ghag gyabcugkanni
 Rdoazhig borrad, gyelcugkanni pholoŋszhig.
 Innaŋ khoŋŋi naŋŋa idshes cokanni,
 Rewabo mane cagga midzad.^e

10 ¹ Cespe spun taŋ spunmo gun, ŋe snyiŋŋi dodpa taŋ Konchogga moslam phulcespo ni Israelpagun skyobcessi phia in. ² Khoŋgunni Konchog thugsthad cugcessi dodpe naŋŋa stsonðus ŋaŋte cokanboa ŋe spaŋpo taŋŋad, innaŋ

^c9:28 ibo ni zhalchad snyiŋpe yeshaye speche 10:22 taŋ 23 naŋŋa yodte innog.

^d9:29 ibo ni zhalchad snyiŋpe yeshaye speche 1:9 naŋŋa yodte innog.

^e9:33 ibo ni zhalchad snyiŋpe yeshaye speche 8:14 naŋŋa yodte innog.

khonḡunni Konchog tsalcessi lambo norte innog. ³ Khonḡunla Konchoggi chogsne yonkanni ḡanpoe skorla gyus medpa innog. Khonḡun Konchoggi ḡanpoe lammika ḡulcesla mathadda, khoranḡunni stsonḡus gyudte, ḡanpo gyurcesla thaddanog.

⁴ Mashike nanḡa thimssi gosdom tshanḡma ḡubba dzadte innog, teboe ḡasbu khonḡi nanḡa tatpa cokan tshanḡma, Konchoggi skundunla ḡanpo coa dzaddanog.

Tharpa tshanḡme phia.

10:5 ne 21

⁵ Mozessi ḡiadzads, thims nanḡzhin mizhig Konchoggi skundunla ḡanpo gyurcessi gosdombo ni "Thims tshanḡma kanyangoshes" innog.^f ⁶ Innaḡ tatpa gyudte Konchoggi skundunla ḡanpo gyurcessi labzhaboe mols, "Khyozhe snyinḡi nanḡa, 'Su namkhaa chen'^g Cia sammad? (Yaḡna thurla skyodte tharpe lonbo ḡadaḡunla shadda dzadcessi phia Mashikaa boddala)." ⁷ Ya cia sammad, " 'Yogga shikangunni nasse nanḡa su chen?'^h (Yaḡna tenaḡne Mashika binḡste skyodte tharpe lonbo ḡadaḡunla shadda dzad zercesla)." ⁸ Innaḡ dadpe skorla labzhe ci moldug?, "Lonbo khyozhe lagga yodte innog

Tebo khyozhe khalpag taḡ snyinḡ gunni nanḡa yodte innog."ⁱ

Yaḡ tenna lonbo ni, mashike nanḡa tatpa cocesla ḡazhe chosshadkanni lonbo in."

⁹ Galtes khyozhe ranḡi kane, Yeshu Tsoo inkanbo zerces taḡ Konchoggi khonḡ shikangunni ḡone sontea lanḡa dzadte inkanboa tatpa cona, khyozhagun skyobba dzadin. ¹⁰ Khyozhagunni snyinḡi nanḡa tatpa yodcespoe, khyozhagun Konchoggi skundunla ḡanpo coa dzads, yaḡ kane shadcespoe, khyozhagun skyobba dzads.

¹¹ Kazug dampe sunḡrabssi nanḡa molte innog, "Khonḡi nanḡa idshes cokangunni rewabo mane cagga midzad."^j ¹² Yahudapa taḡ Yahudapa mankan gunni nanḡa caḡ khyad medpa innog. Tenna Tsoobo tshanḡme Tsoo innog, yaḡ khonḡa zhuwa phulkangunla snyinḡ pheste salla dzaddanog. ¹³ Ciazhuna "Tsooa skyobcesla zhuwa phulkan tshanḡma khonḡi skyobba dzadin."^k

^f**10:5** ibo ni thimssi specha taḡpo, Mozessi specha sumpe 18:5 nanḡa yodte innog.

^g**10:6** ibo ni thimssi specha nyispa, Mozessi specha ḡḡape 30:13 nanḡa yodte innog.

^h**10:7** ibo ni thimssi specha nyispa, Mozessi specha ḡḡape 30:13 nanḡa yodte innog.

ⁱ**10:8** ibo ni thimssi specha nyispa, Mozessi specha ḡḡape 30:14 nanḡa yodte innog.

^j**10:11** ibo ni zhalchad snyinḡpe yeshaye speche 28:16 nanḡa yodte innog.

^k**10:13** ibo ni zhalchad snyinḡpe Yoelli speche 2:32 nanḡa yodte innog.

¹⁴ Tene khoŋgunni kazuggi zhuwa phulin, galtes tegunni khoŋŋa tatpa macona? Yaŋ khoŋgunni kazuggi tatpa coin, galtes tegunni khoŋŋi skorla mane matshorra yodna? Yaŋ khoŋgunla kazuggi tshorin galtes suzhiggiaŋ khoŋŋi skorla mashadna? ¹⁵ Yaŋ galtes kalte manpinna, khoŋgun yodsa soŋte chos kazuggi shadin? Tennaboephia dampe suŋrabssi naŋŋa molte innog, "Gamoe nastshul khyoŋkangunni kaŋpa tsamshiggi cinlabscan manog."^l

¹⁶ Innaja sutshaŋme gamoe nastshulla gasus zhuamanog, ciazerna luŋstonpa yeshaye zers, "Tsoole sui ŋadaŋŋi lonboa idshes cos?"^m ¹⁷ Soŋpasaja lonbo nyances cigpo gyudte tatpabo yoŋŋanog, yaŋ te lonbo ni mashike skorri gamoe nastshulbo innog. ¹⁸ Innaja ŋe ŋiad, ci Israelpagunla lonbo matshorra innogga? Ona, khoŋgunni tshorte innog,

"Lonbo jigsten gaŋpoe naŋŋa phelte innog,

Yaŋ kabo jigstenni thama tshogpaŋ lebte innog."ⁿ

¹⁹ Innaja ŋe yaŋskyar ŋiad, ci Israelpagunla hamagoa innogga? Khoŋgunni hagote innog, ciazerna Mozessi tusaja Konchoggi molla dzads,

"Gyalkhams mankanni migun gyudte,

De khyozhagunni naŋŋa tshigces skyecugin,

Samba medkanni Yahudapa mankangun gyudte,

De khyozhagunni naŋŋa ōo skyecugin."^o

²⁰ Yaŋ stiŋne Konchoggi chogsne yeshaye hampa nyampo mols,

"Ŋaa matsalkanni migunni ŋe naŋŋa tatpa cos.

Ŋaa shesnyin maḍokan gunla, ŋe ŋaraŋ ŋoŋcugspin."^p

²¹ Innaja Israelpagunni skorla Konchoggi mols,

"Nyima gaŋpo ŋe ŋaraŋŋi lagpa khoŋgunla gasus zhuala ōkyaŋste borpin,

Innaja khoŋgun khaminyan taŋ ŋolog cokan yodpin."^q

^l**10:15** ibo ni zhalchad snyiŋpe yeshaye speche 52:7 naŋŋa yodte innog.

^m**10:16** ibo ni zhalchad snyiŋpe yeshaye speche 53:1 naŋŋa yodte innog.

ⁿ**10:18** ibo ni zhalchad snyiŋpe suŋgurri speche 19:4 naŋŋa yodte innog.

^o**10:19** ibo ni ŋimssi specha nyispa, Mozessi specha ōŋape 32:21 naŋŋa yodte innog.

^p**10:20** ibo ni zhalchad snyiŋpe yeshaye speche 65:1 naŋŋa yodte innog.

^q**10:21** ibo ni zhalchad snyiŋpe yeshaye speche 65:2 naŋŋa yodte innog.

Konchoggi snyiŋrje Israelpagunnika.**11:1 ne 24**

11 ¹ Tene ŋe ƚiad, ci Konchoggi khoŋraŋŋi mi Israelpagun phaŋŋa dzadssa? Mane phaŋŋa madzads. Ɗa ŋaraŋ Israelpazhig in, Abrahammi phorgyud, Benyamin zerkanni mirigsne. ² Konchoggi gozugne pharla ldamma dzadkanni khoŋraŋŋi migun phaŋŋa madzads. Ci teboe skorla dampe suŋrabssi naŋŋa molkanbo khyozhagunla gyusmedda? Luŋstonpa eliye Israelpagunni gyabgalla Konchogga zhuwa phuls, ³ "Tsoole khoŋgunni nyeraŋŋi luŋstonpagun sadte nyeraŋŋi chodthigun shigs. Ɗaraŋ cigpo luste yod, yaŋ khoŋgunni ŋaŋ sadcessi stsonɗus corug.¹"

⁴ Yaŋ Konchoggi lansalla dzadkanbo khyozhagunla idtu meragga? "Ɗe ŋaraŋŋi phia Baal zerkanni skunde dunla chag maphulkan stonrdun skyobste borte yod.⁵"

⁵ Tetsogs diriŋŋaŋ innog, Konchoggi thugrjee zhaste, Israelpa nyuŋunzhig Konchogga idshescan luste innog. ⁶ Yaŋ galtes thugrjee zhaste inna, tene tebo khoŋgunni las zaŋpoe zhaste manog. Galtes inpinna tene khoŋŋi thugrjebo, rin mashalla yaŋ ospa medpa thobte medɗo.

⁷ Tene ci? Konchoggi chogsskyor thobcesla stsonɗus coste tsalin yodkan Israelpa maŋcheaboa mathobba innogga? Konchoggi ldamma dzadkan khacigga thobte innog, innaŋ luskangunni khoranŋunni snyiŋ skyoŋpo cos. ⁸ Kazug dampe suŋrabssi naŋŋa molte innog,

"Konchoggi khoŋgunni sambagun khyorcugga dzads,

 Khoŋgunla mig yodteaŋ mathoŋŋa innog

 Yaŋ namchog yodteaŋ matshorra innog.¹"

⁹ Tenna tsogsla Dabiddi mols,

"Khoŋgunni kharji gaŋste yodkanni cogtsebo

 Zumcessi snyiushig gyurshig.

Khoŋgunni cinlabspoe khoŋgunla ghag gyabcugshig.

 Yaŋ khoŋgunla ospa inkanbo thobshig.

¹⁰ Khoŋgunla mithoŋcessi phia khoŋgunni mig zhar cugshig.

¹11:3 ibo ni zhalchad snyiŋpe gyalpogunni specha taŋpoe 19:10, 14 naŋŋa yodte innog.

⁵11:4 ibo ni zhalchad snyiŋpe gyalpogunni specha taŋpoe 19:18 naŋŋa yodte innog.

¹11:8 ibo ni zhalchad snyiŋpe Mozessi specha nyispe 29:4 taŋ yeshaye speche 29:10 naŋŋa yodte innog.

Yaŋ lcinte khurcespoe, khoŋgun tusgyunni phia guru gyurshig."^u

¹¹ Ci Israelpagun ghag gyabste laŋ mane minyances, tezam ſante gyella? Mane magyel. Innaŋ khoŋŋi khaa minyancespoe, Konchoggi tharpabo Yahudapa mankangunla salla dzads. Khoŋŋi tebo coa dzadcessi gyuntshanbo ni Israelpagunla tshigces yoŋste, khoranŋunni phia tharpabo lencesla innog. ¹² Innaŋ khoŋgunni sdigpa cocespoe, jigsten ganpoe migunni phia cinlabs, yaŋ khoŋgunla Konchoggi chogsskyor mithobcespoe, Yahudapa mankangunni phia cinlabs khyoŋŋadna, tene Yahudapa tshaŋme mashike naŋŋa tatpa co zane, tatpacan tshaŋmala tsamshiggi chenmo cinlabs mithob.

¹³ Ŋe i tshaŋma khyozhaa Yahudapa mankangunla zerrad, Konchoggi ŋa Yahudapa mankangunni phia skutshabsla skoa dzadcespoa phoso tshorrarag.

¹⁴ Innaŋ ŋe laspoe, Israelpagunla khyozhaa Yahudapa mankangunla yodkanboeka tshigces yoŋcugste khoŋ khaciggaŋ skyobnyancessi ŋe rewa in. ¹⁵ Galtes khoŋgunni phaŋcespoe, Konchoggi tharpabo zhanyaŋ jigstenpagunla salla dzaddadna, tene Israelpagunniyaŋ te tharpabo len zane, tsamshiggi maŋŋa thadpo miyoŋ. Tebo shikangunni phia mitshe gyurin. ¹⁶ Galtes gome khazas tsogsla pagpe khagcig phulkanbo dampa inna, tene pagpe ganpo dampa innog. Tenna tsogsla ŋadaŋ Yahudapagunni phamespogun dampa inna, tene khoŋgunni phorgyudgunnaŋ dampa innog. Galtes oliwwi lcaŋme paŋagpo dampa inna, tene te lcaŋme yalgagunnaŋ dampa innog.

¹⁷ Innaŋ te oliwwi lcaŋme yalga khacig cagste, matabba skyekanni oliwwi lcaŋme kholgun, tetshabsla pewanla taŋs pasaŋ, ta khyozhagunniyaŋ te oliwwi lcaŋme stobscan pathaggi khuabo goste thuŋŋanog. ¹⁸ Te yalga cagkangunni tshabsla khyozhaa pewanla taŋkanboeka phoso macoshig. Khyozhagun te lcaŋme paŋagpo manpa yalgazhig innog.

¹⁹ Tene khyozhe zerŋidin, "Ŋaa pewanla taŋcessi phia te yalgagun cagga dzads." ²⁰ Tebo denba innog, innaŋ mashike naŋŋa tatpa macospa, te yalgagun cagga dzads, yaŋ khyozhe tatpa cocespoe, khyozhagun te lcaŋme khagshig innog. Phoso macoshig, innaŋ ci cuŋin samste jigsshig. ²¹ Galtes Konchoggi ŋosme yalgagun maphudda inna, khoŋŋi khyozhagunnaŋ phudda midzad.

²² Konchog thugrjecan taŋ thimscad ſante dzadkan inkanbo hagogos. Khaa minyankangunni phia thimscad ſante, innaŋ khyozhe phia thugrjecan. Galtes

^u**11:10** ibo ni zhalchad snyiŋpe suŋgurri speche 69:22 taŋ 23 naŋŋa yodte innog.

khyozhe khoŋŋi thugrjee naŋŋa idshes coin dug madugna, khyozhagunnaŋ khoŋŋi cadte phaŋŋa dzadin. ²³ Yaŋ galtes Israelpagunni tatpa medcespo phaŋŋa, khoŋŋunnaŋ yaŋskyar te lcaŋme naŋŋa pewanla taŋŋa dzadin, ciazhuna Konchogga tezug dzadcessi waŋbo yodte innog. ²⁴ Galtes khyozhaa, matabba skyekan oliwwi lcaŋme yalga inteaŋ, Konchoggi khyozhaa tabkanni oliwwi lcaŋmeka pewanla taŋcesla thadda dzaddadna, kabo raŋzhin inkanni gologpo innog, tene ŋospoe lcaŋme kholbo tenna ŋosma lcaŋme naŋŋa pewanla taŋŋa dzadcesla Konchog tsamshig maŋŋa thadda midzad.

Konchoggi snyiŋrje mitshaŋme phia.

11:25 ne 36

²⁵ Spungun, khyozhagun phoso mitshorcessi phia ŋe, i ɗaŋpoe saŋwabo khyozhagunla hagogos sammaraŋ. Israelpa maŋpozhiŋgi snyiŋ skyoŋpo lusiŋ, namtshogpa Konchoggi ldamma dzadkanni Yahudapa mankan tshaŋme, mashike naŋŋa tatpa mico. ²⁶ Tene Israelpa tshaŋmaa skyobba dzadin, kazug dampe suŋrabssi naŋŋa molte innog,

"Skyobba dzadkanbo Yerushalemne biŋin,

Yaŋ khoŋŋi Israelpagun ŋanpe lasgun cocesne gyur cugga dzadin.

²⁷ Yaŋ khoŋgun nyampo ŋe chaddonbo ni,

De khoŋŋi sdigpagun medkan coin."^v

²⁸ Israelpa maŋpozhiŋ ta gamoe nastshulli ɗao innog. Teneaŋ khoŋgunla taruŋŋaŋ Konchoggi cessa dzaddanog, ciazerna khoŋŋi tegunni phamespo Abraham, Isak taŋ, Yakob gun ldamma dzads. ²⁹ De tebo zerrad ciazerna, khoŋŋi solras salla dzadkan taŋ ldamma dzadkanni thagcadboe naŋŋa gyurja mane khyoŋŋa dzadda manog. ³⁰ Khyozhaa Yahudapa mankangunnaŋ tusshigga Konchoggi khaa manyankan inpin, innaŋ ta Yahudapagunni khaa minyancessi ɗasbuboe, khyozhagunla khoŋŋi snyiŋrje thobte innog. ³¹ Ta khoŋgun khaa minyankan innog, yaŋ Konchoggi snyiŋrjee naŋŋa khoŋgunnaŋ ɗeshessi phia, khyozhagunla Konchoggi snyiŋrje thobte innog. ³² Konchoggi mitshaŋmala snyiŋrje stanna dzadcessi phia khoŋŋi mitshaŋma khaa minyancessi lagga stadda dzads.

^v11:27 ibo ni zhalchad snyiŋpe naŋŋa yeshaye speche 59:20 taŋ 21, 27:9 naŋŋa yodte innog.

³³ O, Konchoggi gyunor taŋ shesrabs taŋ yontan gun tsamshiggi jigspo manog. Khoŋŋi thimscad taŋ chaglas dzadcessi tshul gun ŋadaŋgunla mane hagothubces medpa innog.

³⁴ "Sui Tsooe thugssamgun shesin?

Khoŋŋa khadaa taŋcessi hago sua yod?^w

³⁵ Sui khoŋŋa tezam maŋpozhiŋ taŋste yod,

Kabo khoŋŋa logste phulgoshes gossdom skyods.^x

³⁶ Khoŋŋi chogsne citshaŋma cuŋste, khoŋŋi waŋŋi zhaste, tegun luste innog. Yaŋ tegun khoŋŋi spalli phia innog. Konchogga spal tshaŋma tusgyun thobshig, amen.

Konchoggi phia mitshee chodpa.

12:1 ne 21

12 ¹ De cespe spun taŋ spunmo gun, Konchoggi khyozhagunla snyiŋrje dzadcespoe, khyozhe zugspo khoŋŋa chodpa phulcesla, ŋe juju zhuin zhuwa phullad, te zugsgun sonpo taŋ dampa chodpa yonŋos, kaboe khoŋ thugsthadda dzadcugin. Tennabo denbe khoŋŋa colcespo innog. ² I jigstenni codlam taŋ lugsol gunni lanmo macoshig. Innaŋ Konchogga khyozharaŋŋi samtshulli naŋŋa gyurja khyoŋcugga dzadte khyozharaŋgun mi soma rigga gyurra dzadcugshig. Tene khyozhagunni phia Konchoggi thuggoŋspo gyuschen, kabo zaŋpo, thadpo taŋ dzomspo innog.

³ Naa salla dzadkanni thugrjee gyudte, ŋe khyozhaa rere zerrad, khyozharaŋ denba inkanboe saŋ gyaspa rig in sam magos. Khyozhagunni Konchoggi salkanni dadpe tabcessi tshadpo kolte, khyozharaŋŋa thimscad zane, daŋpo zershiŋ.

⁴ Kazuggi ŋadaŋgunni zugspoa yanlag maŋpozhiŋ yod, yaŋ reree soso las rig coanog. ⁵ Tenna tsogspo mashike skuzugs, ŋadaŋŋi chostshogspo innog. Naadaŋgun zugspo ciggi yanlag maŋpozhiŋ innog, yaŋ ŋadaŋ tshaŋma cig taŋ ciggi innog.

⁶ Konchoggi khoŋraŋŋi thugrje naŋzhin ŋadaŋgunla khyud snatshogs rig salla dzadte innog. Galtes mizhiŋga luŋstan shadcessi khyud yodna, tebo khoa, khorraŋŋi tatpa taŋ stunte kolcug. ⁷ Galtes tebo zhabstog zhuces inna, khoa zhabstog zhucug. Galtes tebo labzha taŋces inna, khoa labzha taŋcug. ⁸ Galtes tebo spospa taŋces inna, khoa spospa taŋcug. Galtes tebo zhangunla rogs taŋces inna, khoa snyiŋ

^w11:34 ibo ni zhalchad snyiŋpe naŋŋa yeshaye speche 40:13 naŋŋa yodte innog.

^x11:35 ibo ni zhalchad snyiŋpe Yobbi speche 41:11 naŋŋa yodte innog.

pheste taŋcug. Galtes tebo chostshogsla gothid coces inna, khoa te khagpo ma stsonḍus nyampo cocug. Galtes tebo snyiŋrje stances inna, khoa thadpo nyampo cocug.

⁹ Zhanmagunla cespa cozun mataŋŋa, denba cespa coshig. Nanpa tshaŋmala naphrad coshig. Zaŋpo inkanboa thamste dugshig. ¹⁰ Cig taŋ cigga ŋosme miŋŋiŋ tsogs cespa coshig. Cig taŋ cigga raŋŋi saŋ maŋŋa stsiwa coshig. ¹¹ Lasmilam magyurra, stsonḍus ŋaŋte coin, Tsooa zhabstog, dodpa chenmo nyampo zhushig. ¹² Rewe naŋŋa gamo coshig. Nagssi naŋŋa zodpa coshig. Moslam zhuces mane maphaŋshig. ¹³ Konchoggi migun gossdommi naŋŋa yod zane, khoŋgunla rogs cocesla ḍaldig dugshig. Raŋŋi khaŋpa tusgyun bespagunni phia pheste borshig.

¹⁴ Khyozhaa sdugsŋal stankangunla cinlabs toŋshig, tegunla ŋan matabshig. Konchoggi khoŋgunla cinlabs salla dzadcesla moslam phulshig. ¹⁵ Skyidpo cokangun nyampo skyidpo coshig. Sdugpo cokangun nyampo sdugpo coshig. ¹⁶ Cig taŋ cig nyampo thunte dugshig. Phoso matshorra mi nyamshuŋgun nyampo ḍeshesla thadgos. Yaŋ khyozhagunla citshaŋma shessad masamshig.

¹⁷ Nanpa cokanzhiggi lanla ŋanpa macoshig. Zhanma tshaŋme stsiwacan thekanni las rig coshig. ¹⁸ Tshaŋma nyampo zhidee naŋŋa dugcesla khyozhe stsonḍus ŋaŋte coshig.

¹⁹ Cespe dzaogun, ŋanpa lan mataŋŋa, tebo Konchoggi thugsŋoe phia borshig, ciazerna dampe suŋrabssi naŋŋa molte innog,

"De lantaŋin.

De khoŋgunla logste lantaŋin.^y"

Tsooe mols.

²⁰ Matshad lanni tshabsla,

"Galtes khyozhe ḍaogun stogssadna,

Khoŋgunla zaces toŋshig.

Galtes khoŋgun skomssadna,

Khoŋgunla thuŋcesla chu toŋshig.

Tezug cocesne, khyozhe khoŋgunni semssi naŋŋa

Fhelbe barin yodkanni sollabo spuŋste innog.^z"

^y12:19 ibo ni zhalchad snyiŋpe naŋŋa Mozessi specha nyispe 32:35 naŋŋa yodte innog.

^z12:20 ibo ni zhalchad snyiŋpe tamspe zerkanni speche 25:21 taŋ 22 naŋŋa yodte innog.

²¹ Khyozheka ñanpaa gyalthob macugshig, innañ las zañpo gyudte khyozhe khyozharañña ñanpeka gyalthob cugshig.

Wañsulpe wañji yogga dugshig.

13:1 ne 7

13 ¹ Khyozhaa tshañma wañsulpagunni wañji yogga duggos. Konchoggi coa dzadkanbo manpa, yañ wañzhig medte innog. Dagsa wañsulín yodkangun Konchoggi coa dzadte innog. ² Teboephia suzhiggi wañsulpagunni gyabgal coadna, khorngunni Konchoggi coa dzadkanboe gyabgal coste innog, yañ tezug cokangunla chadpa phogin. ³ Wañsulrangunni zañpo cokangunni nañña manpa, ñanpa cokangunni nañña jigsnañ khyoññanog. Khyozhaa wañsulrangunni kane jigsnañ medpa dugnyin ragga? Zañpo inkanbo coshig, tene khorngunni khyozhagunla stsiwa coin. ⁴ Khorngun Konchoggi zhabstogpa khyozhagunla phanthogs cocesla kalla dzadkangun innog. Galtes khyozhagunni ñanpa las coadna jigsgos, ciazerna khorngunla chadpa tañcessi wañ yodte innog. Khorngun Konchoggi zhabstogpa, ñanpa cokangunla chadpa tañjala lamcugkangun innog. ⁵ Teboephia khyozhagunni chadpane tharces cigpo manpa, rañji semssi nañña noñs medcessi phia khorngunni wañji yogga duggos.

⁶ Tenna gyuntshanboe phia khyozhagunni thalgun shallanog, ciazerna wañsulrangun Konchoggi zhabstogpa innog, yañ tegunni tus gañpo migunni zhabstoggi phia taññanog. ⁷ Wañsulkan tshañmaa tañgoshessi ospa inkanbo toñshig, sperna thal shalgos yodna sholshig, zhanyañ pene shalgoshesgun yodna sholshig, stsiwa tañ kuspa tañgohescangunla stsiwa tañ kuspa toñshig.

Konchoggi gossdom tshañma cespe ñub cugganog.

13:8 ne 14

⁸ Cig tañ ciggi parla cespa cocespo manpa, zhanyañ bulonzhig lus magos, ciazerna zhanmagunla cespa cokanni miboe thimsgun ñanña ñubcugste innog. ⁹ Kagyagun ni: "Rañji zhidmad manpa zhanma nyampo lusñel maco," "Misad magos," "Şku magos," "Zhanmaa yodkanboe dodpa co magos,"^a tegun tañ zhanyañ kagya tshañmaa i kagya cigpoe nañña dorlduste innog, "Rañña cogan tsogsla

^a13:9 ibo ni zhalchad snyinpe nañña Mozessi specha nyispe 20:13 tañ 15 tañ, 17 nañña yodte innog.

khyimtshepagunlaŋ cespa coshig.^b ¹⁰ Cespe, zhanma nodpa skyalla manog soŋpasan, cespe Konchoggi thimssi gosdomgun ɗanda ɗub cugganog.

¹¹ Tezug cocespo maŋŋa khagcan innog. Tuspo budin chakan yaŋ khyozhaa gorte inkanbo khyozhagunla gyusinnog. Nyidne loŋshig, ciazerna goma ŋati tatpa cokanni tuspoe saŋ, dagsa ŋadaŋgun tharpaboe maŋŋa nyemoa lebste innog. ¹² Tshanbo bud tsharkyis soŋte tharpe zhagpo gyogspa lebces yod pasan, khyozhagunni mundiggi lasgun phaŋste oddi ldaŋshan magchagun gonshig. ¹³ Ɗadaŋgun nyima ldaŋshanni incespoe, ŋadaŋgunni mitshe lagmozhig phudshig. Sperna ɗontaŋin rarosshessi zasgun lente tanba stor micugces taŋ chaŋ maŋpo thuŋste ra mirosshes, lusɗel ŋanpa taŋ ospe lusɗelli tshadne thalte micoces, dziŋmo mitaŋces taŋ stsig mistsigces. ¹⁴ Teboe tshabsla, khyozhaa raŋdaŋraŋŋa Tsoo Yesu mashike codpagun koslag tsogsla skonshig, yaŋ sdigpe dodpagun kazuggi ɗanda ɗubcugcessi samba khyozhe naŋŋa yoŋ macugshig.

Dadpe naŋŋa shugsmed taŋ shugscan.

14:1 ne 23

14 ¹ Dadpe naŋŋa uthugs yodkangun khyozhagunni ɗoa ŋes, innaŋ khoŋgunni samtshul kabo semsnyiddi thogne khagcan man tegunni skorla dziŋmo mataŋshig. ² Sperna mi ciggi dadpe khoa citshaŋma zanaŋ chogs zerranog, innaŋ tatpa uthugs yodkan yaŋmizhiggi, tshodma mane zaa manog. ³ Citshaŋma zakangunni tshodma mane mazakangunla nyamshuŋ stsiwa medkan tsogsla staa magos. Yaŋ sha mazakangunni, zakangunla sdigpa coste innog zerte nyadgal kal magos, ciazerna Konchoggi khoŋgunla gasus zhua dzadte innog. ⁴ Zhanmazhiggi zhabstogpazhigga thimscad taŋkan khyoraŋ su in. Khoŋgun noŋsmed inna man, tebo khoranŋunni sponboe thagcad salin. Yaŋ khoŋgun noŋsmed lusin, ciazerna Tsooe, tegun noŋsmed conyanna dzaddanog.

⁵ Mi ciggi, zhagcig yaŋzhaggunni saŋ maŋŋa dampa theanog. Zhanyaŋ mi ciggi, zhag tshaŋma tsogs theanog. Khyozhaa reree raŋraŋŋi samkanboeka stanpo yoŋgos. ⁶ Zhagcig khagcan theste Tsooa colkangunni tebo khoŋŋa stsiwa phulcesla coanog. Sha zakangunni Tsooe stsiwe naŋŋa zanog, ciazerna khoŋgunni ze saŋ sŋunla Konchogga thugrjeche zhuste innog. Yaŋ sha mazakangunni Tsooe stsiwe naŋŋa sha zaa manog yaŋ khoŋgunni Konchogga thugrjeche zhuanog.

^b13:9 ibo ni thimssi specha taŋpo, Mozessi specha sumpe 19:18 naŋŋa yodte innog.

⁷ Dadanġun n̄adanraŋġi phia santea dugga manog ya, n̄adanraŋġi phia shia manog.

⁸ Galtes n̄adanġun sante mitshe phuddadna, tebo Tsooa stsiwe phia innog. Yaŋ galtes n̄adanġun shina teboan̄ Tsooe stsiwe phia innog. Teboephia n̄adanġun santea yoddo ya shite, n̄adanġun Tsooe innog. ⁹ Shikan taŋ sante nyiskoe Tsoo gyurcessi gyuntshanboe phia, Mashika doŋssa dzadte yaŋskyar santea zhan̄ssa dzads.

¹⁰ Tene ciphia khyoraŋġi spunzhigga skyon kallad. Yaŋ khorġunla nyamshuŋ stsiwa medkan tsogsla cia stad. Idtu coshig, n̄adan̄ tshan̄ma Konchogġi thimscaddi zhugsthissi dunla lan̄gossanog. ¹¹ Dampe suŋrabssi naŋna molte innog,

"Tsooe mols, 'Kazug n̄a santea yodkanbo denba in,

Pigmo tshugste tshan̄me n̄aa chagphulin.

Lce tshan̄me stodpa phulin n̄a Konchog inkanboe span̄po taŋin.^c "

¹² Tennaboephia n̄adan̄ rerea Konchogġi skundunla ran̄raŋġi cokan tshan̄ma shadgossanog, tene khorġi thimscad dzadin. ¹³ Son̄pasan̄ cig taŋ cigga skyonrjod macoshig. Teboe tshabsla, zhan̄ma tatpacanzhig ghag gyabste gyel micugcessi mitshezhig phudshig.

¹⁴ Na gyusyod, yaŋ Tsoo Yeshui waŋġi naŋna zacesi rigs tshan̄ma tshitu mankanbo n̄a tantanla lokhyel rag. Innan̄ galtes suzhiggi tebo stsan̄ma manog samna, tene khoe phia tebo stsan̄ma manog. ¹⁵ Galtes khyozhe zacespoe, zhanyaŋ spunzhigga nodpa skyalna, tene khyozhe cespe naŋna las macoa innog. Khyozhagunni zacespoe, khyozharaŋġi spunzhiggi tatpa medkan macoshig, kaboe tonla Mashika doŋssa dzads. ¹⁶ Khyozhe gyalla innog samste cokanboa suzhigġian̄ skyonrjod co macugshig. ¹⁷ Konchogġi gyal̄siddi naŋna khagcanbo ni, zaces taŋ thuŋces manpa, dampe thugnyiddi naŋna zhide taŋ skyidpoe mitshe dan̄pozshig phudcespo innog. ¹⁸ Galtes khyozhagunni tezug mitshe phudin Mashika zhabstog zhuna, khyozhagunni Konchog thugnyes shugganog, yaŋ zhan̄magunni khyozhagunla stsiwa coin. ¹⁹ Dadan̄gunni chostshogssi naŋna zhide khyoŋces taŋ Tsooe naŋna cig taŋ cig ldancugcessi naŋna san̄te stson̄dus coin.

²⁰ Zacesshiggi tonla Konchogġi chaglaspo medkan maco. Zaces tshan̄ma stsan̄ma innog. Innan̄ khyozhe zacespoe zhan̄mizhig dadpe naŋna ghag gyabcuggadna, tene tebo gyallazhig coste manog. ²¹ Sha zaces ya chan̄ thuŋces ya zhanyaŋ lasgunni, khyozharaŋġi spunzhigga dadpe naŋna ghag gyabcuggadna, tene tegun macona maŋna gyalla innog. ²² Te tshan̄me skorla khyozhagunni tatpa cokanbo Konchog

^c14:11 ibo ni zhalchad snyin̄pe yeshaye speche 49:18 taŋ 45:23 naŋna yodte innog.

tañ khyozharaṅgunni parla borshig. Zaṅpo in samste cokanni laspoeka noṅscan matshorkaṅgun, tsamshiggi cinlabscan manog. ²³ Innañ thetshoms yodte zakanni miboe sdigpa coste innog, ciazerna khoe te zanbo tatpa coste mazaa innog. Yañ khyozhe coskan tshaṅma tatpa gyudte manna, khyozhagaṅgunni sdigpa coste innog.

Zhanme phanthogssi phia mitshe phud.

15:1 ne 13

15 ¹ Dadañ dadpe naṅṅa shugscan yodkangaṅgunni, ṅadaṅraṅgun thadcugces manpa, dadpe naṅṅa uthugs yodkangaṅgunni gosdommi skorla samba taṅgoshes innog. ² Dadaṅgunni zhan spungunni phanthogssi phia rogs coste khoṅgun Tsooa tatpa cocessi naṅṅa ldancuggos. ³ Idtu coshiggañ, mashikeañ khoṅraṅ thadcugcesla mitshe phudda madzads. Kazug dampe suṅrabssi naṅṅa molte innog, "Te tshigs, kagun Konchogga tamṅan taṅṅa kols, tegun ṅeka babste innog.^d" ⁴ Dadaṅgunla labcessi phia te tshaṅma dampe suṅrabssi naṅṅa ñia dzadte innog. Konchoggi zhalchadgun ñubcesla ṅadañ zodpa nyampo ṅuṅste yod zane, dampe suṅrabssi ṅadaṅṅa rewa tañ spospa taṅṅanog.

⁵ Snyinrus tañ spospa salla dzadkanni tenna Konchogpoe khyozhagun cig tañ cig nyampo thunte dugcesla rogs dzadshig, kazug Mashika Yeshui gyabne ñulkangun yoṅgoshes innog. ⁶ Tene khyozhaa tshaṅma cigḍil soṅte skadciggi naṅṅa ṅadaṅgunni Tsoo Yeshu mashike yab Konchogga stodpa tañ spal gun phulnyanin.

⁷ Mashike khyozhagunla gasus zhua tsogsla, Konchoggi spalli phia khyozhagaṅgunni spun tshaṅmaa yaphes medpa gasus zhushig. ⁸ Idtu coshig, Konchog Yahudapagaṅgunni phamespogunla zhalchad dzadkanboe naṅṅa idshescan zhugste inkanbo stanna dzadcesla, Mashika Yahudapagaṅgunni zhabstogpazhiggi tshulla skyodda dzads. ⁹ Yahudapa mankaṅgunla snyinrjee dzadcespoa khoṅgunniañ Konchogga spal phulin. Kazug dampe suṅrabssi naṅṅa ñiadzadte innog,

"Teboephia, ṅe nyeraṅṅa Yahudapa mankaṅgunni ṅoa stodpa phulin.

De nyeraṅṅi tshanla stodpe lu phulin.^e"

¹⁰ Dampe suṅrabssi zhan nassazhiggika molte dug.

"Yahudapa mankan, khyozhagaṅgunni

^d15:3 ibo ni zhalchad snyinpe suṅgurri speche 69:9 naṅṅa yodte innog.

^e15:9 ibo ni zhalchad snyinpe suṅgurri speche 18:49 tañ Shamuelli specha nyispe 22:50 naṅṅa yodte innog.

Khoṅṅi migun nyampo gamo coshig^f."

¹¹ Yaṅ zhan nassazhiggika molte dug.

"Khyozhaa Yahudapa mankan tshaṅme Tsooa stodpa phulshig.

Yaṅ jigstenpa tshaṅme khoṅṅa stodpa phulshig^g."

¹² Yaṅ zhan nassazhiggika luṅstonpa yeshaye mols,

"Dabiddi this norskalla thobcescanbo skyodin

Yaṅ khoṅṅi Yahudapa mankangunnika waṅṅulin.

Tegunni khoṅṅika rewabo borin.^h"

¹³ Rewa salkanni Konchoggi khyozhagunni naṅṅa gamo taṅ zhide skaṅṅa dzadshig, ciazerna khyozhe khoṅṅika idshes cos. Tene dampe thugnyid gyudte, khyozhagunni naṅṅa rewabo ludte chen.

Paului ḍia dzadcessi gyuntshan.

15:14 ne 22

¹⁴ Ne cespe spun taṅ spunmo, khyozhagun zaṅpoe gaṅste yodkanboeka ṅa tantanla lokhyel rag. Khyozhagunla tegun ma gyalla coste shes pasan, khyozhagunni cig taṅ cigga teboe skorla labnyanin. ¹⁵ Tenean khyozhaa idtu skulcessi phia, ṅe spera khaciggi skorla ma hampa nyampo Griiste in. Ciazhuna Konchoggi thugrjee gyudte ¹⁶ ṅa, Mashika Yeshui zhabstogpa khyozhaa Yahudapa mankangunni phia dampe lon khyoṅkanbo in. Khyozhagun, Konchoggi thugsthadda dzadkanni chodpa thea dzadcesla gamoe nastshulbo khyoṅspin, kagun dampe thugnyid gyudte dampa coa dzadte in. ¹⁷ Konchoggi zhabstoggi naṅṅa Mashika Yeshui, ṅa gyudte, dzadkan tshaṅme phia ṅa ma thadpo rag. ¹⁸ Tenean mashike, ṅa gyudte, coa dzadkangunni phia manpa, yaṅ cizhiggaṅ phoso cocessi hampa coamed, kabo ṅe Yahudapa mankangunni ṅoa lon taṅ las cotshul gun gyudte, khoṅṅunla Konchoggi naṅṅa tatpa cocugcespo in. ¹⁹ Halasshessi stagsgun taṅ stasgunni shugs yaṅ dampe thugnyiddi shugs gyudte, khoṅṅunni ṅe lon ḍaṅpo inkanboeka lokhyels. Tenna tshulla ṅe mashike gamoe nastshul gaṅpo Yerushalemmi gyalsane Ilirikammi gyalsa tshogpa shadpin.

^f15:10 ibo ni thimssi specha nyispa, Mozessi specha ṅṅape 32:43 naṅṅa yodte innog.

^g15:11 ibo ni zhalchad snyiṅpe sunṅurri speche 117:1 naṅṅa yodte innog.

^h15:12 ibo ni zhalchad snyiṅpe yeshaye speche 11:10 naṅṅa yodte innog.

²⁰ Zhanmazhiggi magldan tanskanboeka mistsigcessi phia ne mashike tshan mane mitshorse nassagunni nanja gamoe nastshul shadcespo ni, tusgyun ne migzhi inpin. ²¹ Kazug dampe sunrabssi nanja molte dug,

"Kagunla khonji skorla mane mashads tegunni khon jalin

Yan khonji skorla mane matshorkangunni hagin.ⁱ"

²² Tennaboephia ne khyozhagun yodsa yoncespo gorte innog, ciazerna ne te nassagunni nanjan chosshadgoste innog.

Pauli Romma chacessi thabsldijs.

15:23 ne 33

²³ Innan ta ne i yuljonsgunni nanja lasgun cotshar. Yan lo manpozhighne pharla khyozhaa thugcesla rijsin yodpa, ²⁴ ne Spenni yulla cha zane, khyozhaa thugga yonin. Teru cha zane ne khyozhaa yodsa dugste khyozhagun nyampo skyidpoe tusshig phudin. Yan ne Spenla chacessi phessi gosdomgunni nanja khyozhe rogs conyanin.

²⁵ Innan ne yonji san sjunla, Yerushalemmi nanja yodkanni tatpacangunla rogspe khyerrala chagoshes yod. ²⁶ Makedoniya tan akayi tatpacangun, Yerushalemmi tatpacangunni toa yodkanni nyalbacangunla, rogs coste pene kalcesla thadpo yodte innog. ²⁷ Khongun te coskanboeka masante thadpo innog, nospoa khongunni tebo bulonzhig shalgoste innog. Galtes Yahudapa mankangunni, Yahudapangunla Konchoggi cinlabs thobkangun goadna, tene khongunla yodkanni norgunna Yahudape tatpacangun nyampo Gogos. ²⁸ Ne i pene lduskanbo khongunla tante naranji khagpo danda dabcugste stine, Spenla cha zane, ne khyozhaa thugste chen. ²⁹ Yan nea tantan rag, ne khyozhaa yodsa lebste nadangun nyampo yodkanni tuspoa mashike, cinlabs manpo salla dzadin.

³⁰ Cespe spun tan spunmo gun, ne khyozhagunla Tsoo Yesu mashike nanja spospa tanin, ne bardoi tusla ne phia Konchogga moslam phulcesla zhuwa phullad. Dampe thugnyiddi salla dzadkanni khyozhagunni cessa, ne phia yodcespoe tebo coshig. ³¹ Yahude nanja yodkanni Yahudapa tatpa medkangunni kane ne skyobcesla Konchogga moslam phulshig. Yan ne Yerushalemma khyercescanni rogssi penebo teru yodkanni tatpacangunni thadpo nyampo lenceslan moslam

ⁱ15:21 ibo ni zhalchad snyinpe yeshaye speche 52:15 nanja yodte innog.

phulshig. ³² Tene Konchoggi thuggoŋs yodna, ɲa khyozhagun yodsa semsthadpo nyampo yoŋin, yaŋ ɲadaŋgunni cig taŋ cigga spospa taŋ thubin.

³³ Zhidee Konchog khyozhaa tshaŋma nyampo zhugsshig, amen.

Paului khoranŋi dzaogunla ju zhus.

16:1 ne 17

16 ¹ De ɲadaŋgunni spunmo Phobi zerkanboe skorla shaddad. Kho ken Cree chostshogssi naŋɲa zhabstogmazhig innog. ² Konchoggi migunni ɬoa stsiwe ospacan, te bumobo Tsooe incespoe gasus zhus. Khoa gossdom yodkangunni naŋɲa rogs coshig, ciazerna khoe maŋpozhiŋga rogs coste innog, migsalli ɲaa.

³ Prisila taŋ khoe magpa Akuilaa, ɲe ɬopa Mashika Yeshui las cokangunla ju zhus. ⁴ Khoŋgunni ɲe phia khoranŋunni ɬogpoaŋ jigspe naŋɲa taŋs. ɲa matshad Yahudapa mankanŋunni chostshogs tshaŋmeaŋ khoŋgunla thugrjeche zhudug.

⁵ Khoŋgunni khaŋpe naŋɲa dzomin yodkanni chostshogslaŋ ɲe ju zhus.

De cespe dzao Ephinetuslaŋ ju zhus. Kho ni Asiae yuljoŋssi naŋne mashike gyabne ɬulkan taŋporaŋ in. ⁶ Khyozhagunni phia maŋaŋte las coskan spunmo Miryamma ɲe ju zhus. ⁷ De ɬopa Yahudapa Endonikus taŋ Yunia gunla ju zhus, kagun ɲa nyampo tsonkhaŋŋi naŋɲa yodpin. Mashike skutshabsgunni khoŋgunla ma stsiwa coanog, khoŋgun ɲe saŋ sɲunla mashike gyabne ɬulkan rig gyurte inpin.

⁸ Tsooe inkan ɲe cespe dzao Empiliatuslaŋ ju zhus. ⁹ Mashike naŋɲa las cokaŋ ɲazhe ɬopa spun Urbanus taŋ ɲe cespe dzao Stagislaŋ ju zhus.

¹⁰ De mashike zhabstoggi naŋɲa idshescan theakan Apilesia ju zhus. Yaŋ Aristobuussi khaŋpe naŋɲa dugkanni tatpacangunlaŋ ju zhus. ¹¹ De Yahudapa ɬopa Herodionlaŋ ju zhus. Narsisussi khaŋpe naŋɲa dugkanni Tsooe migunlaŋ ju zhus.

¹² Tsooe phia las ɬaŋte cokaŋ spunmo Fephina taŋ Fephosa gunla yaŋ Tsooe phia maŋaŋte las coskan spunmo cespe Parsislaŋ ju zhus. ¹³ Halasshescan Mashikapa, spun Ruphus taŋ khoe ama, kaboe ɲa butshaa tsogs theadpin, khoŋgunlaŋ ju zhus.

¹⁴ Asintitus, Philigon, Harmes, Petobas, Harmas, yaŋ khoŋgun nyampo dzomkanni spun taŋ spunmo gunla ju zhus. ¹⁵ Philologus, Yulia, Nirus taŋ khoe ɬiŋmo yaŋ Olimpasa taŋ khoŋgun nyampo dzomkanni tatpacan tshaŋmalaŋ ju zhus. ¹⁶ Cig taŋ cigga camspa nyampo ju zhus. Mashike chostshogs tshaŋme khyozhagunla ju zhurug.

Paului stinjuggi labzha.**16:17 ne 27**

¹⁷ Yaŋ ɲe cespe spun taŋ spunmo gun, i zhuwabo nyancesla ɲe spospa taŋdaŋ. Chostshogssi naŋŋa pobudkan taŋ khyozhaa labkanni labzhe gologpo labkan gunni kane shaŋ coshig. Tegunne thagriŋŋa dugshig. ¹⁸ Te migunni ɲadaŋgunni Tsoo Mashika zhabstog mazhua, khoŋraŋgunni phanthogssi phia las coste innog, sperna khaspa spera taŋ lce kolte khoŋgunni noŋsmed migunla gobskor taŋŋanog. ¹⁹ Innan khyozhagun Tsooe kanyankan inkanbo tshaŋmala gyusinnog, teboe ɲa mathadpo yoŋcugs. Khyozhagun zaŋpo cocessi naŋŋa shesrabscan taŋ ɲanpe thogne noŋsmed yoŋgoshespo ɲe dodpa in. ²⁰ Zhidee Konchoggi gyogspa shetan khyozhe kaŋpe yogga thestor coa dzadin. ɲadaŋgunni Tsoo Yeshui thugrjebɔ khyozhagun nyampo lusshig.

²¹ ɲe ʒopa las cokan Timothii khyozhagunla ju kaldug, tenna tsogsla Lukeus, Yason taŋ, Sosipatar ɲe ʒopa Yahudapa spungunniyaŋ ju kaldug.

²² Paului phia i ige ɖikan ɲa, Tartius Tsooe gyabne ɖulkanboeŋ ju kallad.

²³ Gayussi khyozhagunla ju zhurug. Khoe ɲa khoranŋi khaŋpaa dugcugin innog, yaŋ iru yodkanni chostshogs gaŋpoaŋ khoranŋi khaŋpe naŋŋa dzomcugin innog. Erastus, gyalse baŋdzoddi khagk hurpa taŋ ɲadaŋgunni spun Kyortus gunni ju kaldug. ^{24j}

²⁵ Ta Konchogga stodpa phulshig. Khoŋ ni khyozhagun dadpe naŋŋa shedcan dzadthubkan in, kazug ɲe gamoe nastshulli naŋŋa shads. Yeshu mashike skorla i lonboe, khyozhaa Yahudapa mankan gunni phia khoŋŋi thabsldiŋspo sŋon cugga dzads, kabo tussi gozugne pharla saŋwe naŋŋa borra dzadte yodpin.

²⁶ Innan Yahudapa mankan tshaŋme tatpa coste kanyancesi phia daga thamedpe Konchoggi ka salte, luŋstonpagunni luŋstangun gyudte, khoŋgunla te lonbo sŋon cugga dzadte innog. ²⁷ Yeshu Mashika gyudte shesrabscanni Konchog cigpoa tusgyun spal thobshig, amen..

¶16:24 sŋunme speche khaciggi 16:24 naŋŋa izug Griiste dug "ɲadaŋŋi Tsoo Yeshu mashike thugrje khyozhaa tshaŋma nyampo lusshig, amen.